山庫全幸

史部

欽定四庫全書

詳校官編修臣謝振定

刑部即中臣許北棒覆勘

史部

閩中理學淵源考卷八至

校對官編修臣記來宗 **腾绿監生臣邵王洙**

總校官原任中九臣王 燕緒

ALK. O LOL KING 深恥故其平者家庭之 安建陽劉氏合 廣平府知府李清極撰 為五忠云考是時劍建間家通 関中理學湖源考 思而伸義情者惟以三綱不根 人世住崇安之五夫號東族 族實伯仲分派也二族以忠)際所告戒訓勵者孰有大

多分四月白 劉民先字聖仕崇安人屏山先生叙其世譜器云劉居 時也乃能不辱朝廷卒之子孫族姓皆能以忠悃羽 於君臣之際乎忠顯公之使金營是二帝未北狩之 衛王家鞠躬臣節而屏山草堂二先生又以師資付 馬 出於儕輩也今附滕氏祐五忠堂記於後以備參考 授紫陽以聖賢之學相砥礪此其學問源流所以夏 劉聖仕先生民先

欠己の事を告 其形勝因家馬府即金吾上将軍翔所出 建之潭溪九世餘二百年矣其初京北人唐僖宗時有 胡先生受春秋學晚以累舉得官歸家教授學者至數 知其後必大云民先即朝議公子也敦謹有行從安定 朝議公太素於是崇禮文篤經術謹遊從厚風化識者 三世而田畴關庸生光信光信生玉玉生文廣文廣生 祖以其近可考也蕩柘焚拂以改山林二世而廬室完 為將軍者歲久名逸五季亂時有諱庸者南遊於此爱 関中理學淵源考 今推為始

指南民覺據師席二十餘年航英導秀多所成就忠顯 早自知名正奉遊學時普寧暨夫人老矣民覺當留侍 養敬不弛顏鄉評尚之耋老聚而請曰非公孰為吾黨 劉民覺字華材朝議次子也為人淳樸無厚恪紹前修 以故不遑科舉之事夫人年九十六而卒民覺始終孝 葵廬墓日夜哀悲鄉評尚之子輪韓監員書 百人作一枝堂潭溪之上與弟民覺奉母以終餘年既 劉羊材先生民覺 朱子文集

金出正尼白雪

· 轉之解其圍乞祠起知越州方臘陷衢婺越大震官吏 之守會稽長樂當迎民覺就養欲請於朝官之民覺日 とこうしたいたり 率以捕殺希賞豁曰此饑民救死耳率豪右賑濟多所 十四卒後屏山為表其墓劉屏山撰墓表 劉幹字仲偃紹聖元年進士調豐城尉歲錢多盜他邑 **哀朽那復有此意其恬曠自適世綱莫之能攖也年八** 全活歷陜西轉運使攝帥鄜延夏人攻振武韜出奇兵 忠顯劉仲偃先生輪 侧中理學別原考

欲得之宰相給以割地遣齡使金管金人素知其名命 擊輪發强弩射之金人知不可有竟退欽宗善之拜資 曰使劉資政在鎮豈有此敵益知點名及京城不守必 四壁守禦使宰相沮罷之初敵之入真定也父老號呼 政殿學士充河北河東宣撫副使太原陷召入為京城 **輪諜得實陰治城守以待變金人治梯衝設圍示欲攻** 悉追幹口吾當與城存亡冠至城下擊敗之河北盜起 **輪守真定單騎赴鎮抬諭賊首柴宏時金人方謀南牧**

多分四月全書

炎元年贈資政殿大學士益忠顯翰莊重寬厚寡言笑 如去已病小民犯罪或越法縱舍至大奸則立斷不疑 與人交識恭若有所畏至臨大事則毅然不可奪累歷 忠極之壽聖寺西崗上遍題窓壁識其處年六十一建 生以事二姓死不為也金人退即手書片紙名指使持 大藩事無巨細必親臨之為政愛人出於誠心求民瘼 歸報諸子沐浴更衣酌卮酒而縊顏色如生金人嘆其 2. 10. L. 1.1. 僕射韓正館之僧舍正曰國相知君今用君矣韐曰偷 明中理學州原考

肅故世號五忠劉氏云通志 **敏定四庫全書** 劉韞字仲酉以門陰入仕歷倅三州典二郡皆有聲後 者死邵武冠立廟封忠烈輪子子羽諡忠定孫珙諡忠 翼子暈按翱之裔孫名頜者牧峒寇有功諡忠簡名純 言其素如此靖康死難之臣葢豁為尤著云子子羽子 軍中家報有日今日邊鄙多事只得盡忠死節餘不足 以朝散大夫致仕築室縣南有臺樹花木之勝自號秀 郡守劉仲固先生韞 卷门六 闕書

與極客院事張浚密謀誅之沒宣撫川俠遂辟為參議 客院簡詳文字建炎三年大將范瓊擁强兵政扈不臣 **衆全其城歷知池州改秦州未行高宗召赴行在除樞** 劉子羽字彦脩翰長子以蔭補官齡的浙江子羽年二 十五佐以主管機宜文字用贏卒數百破方臘數十萬 子翔丞瀏陽秩滿不仕亦能詩有父風時人謂之詞虎 野與劉子暈朱元晦諸賢倡酬甚多時人謂之吟龍子 忠定劉彦修先生子羽 月中里华州東方

人知有備引去會泰鳳金房二鎮皆饑鎮帥吳玠王彦 忠州防禦使吳玠柵和尚原守大散關而分兵守險金 單騎就道至秦州召諸亡將諸將聞命大喜悉來會命 **國野收集散亡分布險隘堅壁固壘觀釁而動庶幾可** 以補前愆而贖後悔浚然之而諸將無敢行者子羽即 師明年金人窺江淮甚急浚欲合五路兵進撓之子羽 不聽比至富平與金人戰敗績力言當留興州以安

欽定四庫全書

軍事至秦州立幕府節度五路諸將規以五年而後出

積石數十百萬數日候騎報敵軍且至即下令奪食運 能支處還漢中全蜀大震玠邀子羽俱去子羽固持不 泉從兵不滿三百乃築壘於潭毒山上儲栗十餘萬石 士金人復攻金州彦失守退保石泉子羽急移兵守饒 無知興元府既至通商輸栗二鎮獲安除實文閣直學 皆願得子羽守漢中沒乃承制拜子羽利州路經 可留称先柵定軍山以守玠不從子羽不得已退守三 風關即告玠列管以拒金金人從問道繞出玠後玠不

とこうしています

関中理 學淵源考

年坐富平之役與浚俱罷尋為言者所論責貶單州 戰攻不遺餘力惟時為必守計者惟子羽與沒協心戮 此是時金人主兵用事者計必取蜀以窺東南其選募 金月豆尼白雪 力毅然以身當兵衝將士感激争奮全蜀卒賴以安四 勝計其餘眾不能自拔降者十數柵敵之喪失莫甚於 非待制坐處子羽慷慨語曰將死於此諸將皆奮會敵 乏食亦引去子羽與玠引兵合擊之墮溪谷死者不可 明上馬先至戰地前當山角據胡床坐諸將泣請日此

使然不責無以係叛將南歸之望遂以散官安置漳州 宜益治兵廣管田以俟機會時又方議易置淮西大將 赴閥使諭指西師且察邊備虚實子羽還奏敵未可圖 練副使白州安置吳玠始為禪將未知名子羽獨竒之 提舉江州太平觀復為集英殿修撰知鄂州未幾名公 薦於浚至是玠上疏訟子羽功請納節贖罪得復原官 以微猷閣待制知泉州已淮西軍亂議者及謂子羽實 且以其兵屬子羽子羽復以為不可遂以親老乞郡 7 1.11 一関中理學湖源考

性孝友接人樂易開心見誠豁然無纖芥滯吝意好賢 其為政爱民禮士敦尚教化摘好發伏不畏强禦而天 有忘身徇國之忠衆人惶惑失措子羽色愈属氣愈勁 **僧和議奉祠歸卒贈少傅益忠定子羽平生慷慨属節** 議清野徒准東人於鎮江撫以恩信兵民雜居無敢相 十一年以張沒薦復原官知鎮江府無沿江安撫使建 遇事立斷凛不可犯料敵央勝雖古名將不能過之至 侵者十二年復待制進爵子益封二百户竟以不附秦

動定四庫全書

劉子翼字彦禮少精敏力學用蔭補承務郎調秀州司 朱文公嘗稱子羽在川夾雖威寒必侵晨看單衣汗衫 問五官並用百函俱發並無差錯真人傑也子珠通志 樂善輕財喜施於姻親舊故貧病困阨之際尤孜孜馬 見其目覽書冊耳聽指授口供應對手答書疏項刻之 入教場射箭三百率以為常又言幼常侍側賔客滿座 郡守劉彦禮先生子翼 未子撰劉

とこのしたいか

関中理學淵源考

金分正匠有意 布子翼崎恒行賊營以誠信諭之日汝輩註誤及此今 **肯除子翼知建州道路梗塞或勸子翼從王師航海進** 轉運使司歷轉宣議郎建州熊志寧范汝為相繼叛有 録時朝廷割地議和遣人持詔取河北監司分畫地界 王師且至若能自新釋兵歸農太守能活汝不然悔無 子翼曰不可乃單車自宗安入賊方棲山守險所在屯 **輪鎮真定稱記拒之靖康元年輪遣子翼入奏事賜對** 延和殿欽宗見子翼進止閒雅因而受知未幾降江西

とこの Manual Ma **蟄死節恩補承務郎舉紹與十二年進士中し科累遷** 劉珠字共父少長從季父屏山受書知刻苦自勵以祖 路奉祠俄以薦知撫州徙信州為人開明勤决而本之 南劍州蠲減科斂一新郡治紹興二年應詔獻言忤當 及賊皆曰我輩生矣羅拜去王師尋下多所停獲子翼 以恕所至簡易不擾甚得民心聞書 分别善惡縱釋之賊首逸去子翼設方略購獲之尋知 忠肅劉共父先生珠 関中理學淵源考 郡志

浚地耳宰相召珙喻旨且曰再繳累且及張公珙曰珙 **浚而部乃以楊存中為宣撫使珠不書録黃奏論其不** 出班手詞氣激烈聞者感奮泣下從幸建康無直學士 奉行槍怒諷言者論去之槍死累遷吏部郎權秘書少 可髙宗怒顧宰相日劉珙之父為張浚所知此奏專為 院車駕將遷臨安時江淮軍務未有所付東望屬於張 監中書舍人金人渝盟髙宗将興兵復讐一時詔檄多 禮部郎官中書舍人秦檜當國欲為其父作諡珠不亟

多分四月白書

家院事辭謝不獲乃就職因薦汪應很陳良翰張拭請 というはんなり 名用之孝宗可其奏既入西府日名諸軍將佐從容訪 年台還除翰林學士知制語無侍讀因陳聖王之學以 孝宗賜聖書嘉勞於是湖南地方數千里姦盗屏跡三 正心明理為萬事之綱上亟稱善擢拜中大夫同知樞 愈力存中命乃寢孝宗隆與元年除集英殿脩撰知泉 計國家故不暇為張公謀若為張公謀不為是矣再論 州改衢州又改潭州無湖南安撫使討平宜章冠李金 関中理學湖源考

知潭州安撫湖南淳熙二年除知建康府安撫江南東 得其實處畫各有條理明年遭內艱八年免喪乃復除 學士知荆南湖北路安撫使始至條上荆襄兵少財匮 到厅四届 有書 官皆請俟奏審乃得行孝宗不悦罷為端明殿學士在 卿同心輔政因奏自今聖旨不經三省客院者所下之 問盡得其材器所宜以待選用詔無參知政事與陳俊 狀的母珠措置珠因行視襄鄂兵屯並邊形勢盡 宫觀改知隆與府江南西路安撫使明年除資政殿

1習用事之禍且薦陳俊卿張杖可用卒年五十有五贈 久己の事を動 亦如之在朝危言正色直前無避其忠義奮發不以死 英發遇事立斷威不可犯而居家極其孝慈內外功總 光禄大夫罷朝一日賜益忠肅共為人機鑑精明議論 數十萬人無一人捐瘠流徒者孝宗賜書褒諭進觀文 路留守行宫會歲水旱珙首奏蠲賦稅設法賑貸闔境 之戚必素服以終月數在官為罷熊樂聞同家有喪者 殿學士五年屬疾請致仕臨卒草遺奏千餘言極言近 関中理學淵源考

|山之下坪廣其觀遊種竹疏泉上下磵谷為退隱計復 忠義之有傳也所著有文集八卷奏議十卷內外制二 生動心在荆州時北敵亦每使諜者詞珙家世益知其 金万豆万人門 之要天姿孝友事生母卓氏盡孝鄉人化之先廬在屏 劉坪字平父屏山先生嗣子用門簽調邵武軍户曹遂 力請復南嶽祠官坪少有奇質長事胡籍溪請問講學 十卷以學雅學聚為後 劉平父先生坪 卷六

學博俱從文公游秀亭淵 録學古學博學箕朱子撰墓 善脩身悟古人日損日益之意自號曰七者翁名其齊 劉學箕恬於仕進年未五十即南山之下家馬扁曰方 劉學古坪之子屏山之孫文公壻也嘗為臨桂縣令弟 日七者家每與朱文公諸賢倡和有詩集十卷子五人 劉先生學箕 縣令劉先生學古

文已日早 A

関中理學淵源考

土

邑州有惠政後以疾累得郡不赴終朝散大夫 是問堂若將終身為文高爽閒雅得其家傅有方是閒 劉學表字傅之忠定公之孫用父蔭補郎守無州移守 劉學雅字正之忠定公之孫馳賜東西為諸侯客已而 小藁行世建寧 以憤世嫉邪斥辱權要罷歸田里弟學表 郡守劉傅之先生學表 劉正之先生學雅

次足四軍全馬 間為廣州祭謀盗綦母謹和尚陷三水鎮帥兵剿捕後 書閱 淮東提刑金主亮趙淮東力戰死之益忠簡弟崇之 按劉氏東西族二派已叙述前編矣此不重述 領字子誠建陽人與齡同祖朝之七世孫也領紹與 建陽劉氏家世學派世住建陽之麻沙號西於 忠簡劉子誠先生頜 文忠劉瑞樟先生崇之 関中理學淵源考

因請祠久之除成都路提刑應詔條上蜀民利害九事 常平使者嘉泰初起知賴州言者論周必大併及崇之 同列請留之辭極剴切偽學禁興力請外得荆湖南路 常寺丞權兵部郎中朱文公罷經庭命從中出崇之率 除秘書省校書即光宗內禪上書請朝重華官除行太 山椒攝幕甚器之與詹體仁等六人同薦於朝除定詳 劉崇之字智父淳熙二年進士授福清簿梁克家帥三 三司物令所州定官遷太府丞應詔上書論弭變五説

文忠號瑞樟先生子純閱書 文章温潤典雅有光制詰而用非其長論者惜之卒諡 原官崇之天資類敏居左塾讀書三十年未當移他所 置開禧中四川宣撫使安丙表陳崇之不行之節詔復 作上表待罪請師平賊除荆湖北路提刑被論永州安 劉純字君錫建陽人少年喜騎射以爻蔭授沙縣簿歲 已而除户部郎中領四川宣撫兩司節制未幾吳曦變 忠烈劉君錫先生純 開中理中間原考 建

連城潭飛漈諭降其七十餘寨頭陀計窮伏誅而邵武 事聞改宣教郎韶號其軍曰忠武與招捕使陳華擊破 命知部武縣俾將所招軍往立官府收散亡軍勢大振 即歸 紹定已丑閱冠晏頭陀等啸聚汀郡殘破寧化清流將 大疫治粥藥存活之死而無收者作大塚瘞馬秩滿丞 分宜復值歲旱極力脈救如簿沙時繼入京監和劑 陷劍南犯建寧純適調湖北帳幹聞賊迫近其鄉里 散家财招唐石義勇千人討之樵守王遂請於朝

銀定四庫全書

卷六

散郎加諡義壯郡人立二廟於邵武麻沙祀之後賜額 純率兵往抬降下瞿賊為賊所得不屈死之事聞贈朝 喜領淮西軍繞賊後擊其巢停獲甚衆安國就擒次日 歸又入富田剿其渠魁賊懼合諸寨攻純純令統制周 獻會旴守遣邑令將兵來接為賊所圍純斬數賊拔令 朝移純軍於縣命下即行得賊所募為首者二人斬以 敵而又無以招撫之坐是建寧復騷建守趙紡夫請於 盗又有劉安國者先因民国貪暴鼓衆而起官軍不能 1:1: 関中理學問原考 支

忠烈賢甫志 銀定四庫全書 人携印一篇令吞之印大小凡百餘颗滋吞至十四印 中累贈開府儀同三司吏部尚書始滋未貴時嘗夢神 水勢自是舟行無患歷典九郡皆有惠政官至職方郎 劉滋字潤之景德中試開封禮部皆第一 **潍傍灌疏三巨洲鑿七盤石轉山曲二百餘丈以舒** 判福州仁宗時知南劍州州北黯淡灘善覆舟滋别 郎中劉潤之先生滋 建 調知無錫縣

文纍纍然見腹間後更中外十四任而典郡者九滋子 先生日大臨游酢皆與友善元豐中士子方尚文華元 振辭與其弟既弱冠游太學持身有禮衆敬憚之國子 劉元振字君式少沉静有器識季父照當任子將屬元 振獨沉涵載籍深造義理是以不合有司遂寫意養親 之璋有詩名與劉子暈多所唱酬勉之别見本學派問 同大理寺丞熟知臨江軍照河陽令孫元振曹孫瑋勉 劉君式先生元振

次已四車全書

関中理學淵源考

大

放情泉石子勉之明書 西尉無學事扶滿轉文林即奉祠監衡州南嶽廟以朝 易象天文地理律歷之與無所不通受迪功郎任會昌 劉懋字子勉白水孫也博學通經文辭奇偉長受學屏 山先生得其論著繼從胡籍溪游始知為學大肯旬是 為據 文諱照文諱元振此傳云季父照疑 沒諱照文諱元振此傳云季父照疑 沒辞照文韓元振此傳云季父照疑 朝奉劉恒軒先生懋 於 疑錯似當以之曾大父諱滋

創上蔡先生祠於講堂東隅朱文公為記再調劍浦丞 知應城縣好賢禮士修飾儒學訪求前令謝良佐遺跡 兄弟研窮誦讀最夜不息舉淳熙五年進士授迪功郎 劉炳字輪仲與兄爚從文公游文公編集程氏遺書炳 學者稱恒軒先生以子爚貴贈金紫光禄大夫所著禮 奉大夫致仕杜門掃軌仰師里賢鄉人子弟多所造就 記集說論孟訓解子煽炳炯 郎中劉韜仲先生炳

次之四事 全与

関中理學淵源考

ナ

應李銓閱 文公學比掛冠倘佯武夷九曲間悠然自尋其樂馬問 專以仁義教化平易近民民有訟委曲訓戒之後有關 夫乞祠閉居誦讀不輟自號悠然翁所著有睦堂類豪 者愬於官曰何面目復見公耶累官兵部即中朝散大 若干卷四書問目綱目要略堂銘故事傳於世子填孫 炯字季明慶元五年進士授進賢丞遷国始令早從 縣令劉季明先生炯

境內騷動欽募義勇勒捕誅其首惡餘悉縱還鄉事聞 聲轉朝奉大夫出知饒處邵武南康時江汀邵冠竊發 一好笑前能言母梁氏教以古詩報成誦不忘七歲日受 劉欽字子時伯醇子幼在襁褓中或啼哭示以書帙即 燃從蔡沈學精於易以祖蔭補官承事郎知煉縣有政 數千言每夜達旦母憐而節之乃匿膏室中候寢熟復 21.17.2 1.15 **陞殿中侍御史同知樞密諫院事歸隱武夷茶洞口築** 忠簡劉子時先生欽 関中理學淵源考

成之蘇潮湍激醫之山皆天然成趣不絕削而自合問 意處前無古人至老皮毛落盡孙興兀然雷靡之琴大 生琢對匠語洗削冶澤齒牙間纜纜有聲大率精切得 忠簡所著有書經行義文集十卷問書 茶巖小隱堂為終馬計自號氷壺散人終朝請大夫諡 祥赞答尹虚齊僚諸詩深得風人之肯鄧尤薦稱其 劉鑑字子静以祖澤蔭桂東令工詩文翰墨如題文天 縣令劉子静先生鐵

多定四库全書

劉銓字子平慶元五年進士博通詩禮學宗考亭尉臨 山居十有二年後建化龍書院於首潭聚徒講授厚給 年進士調建陽簿至元不仕與熊禾胡廷芳講道洪源 劉應李字希泌初名際謹厚莊重博習修潔舉咸淳十 課試悉做州縣法閱 主簿劉希泌先生應李 縣尉劉子平先生銓

とこり見んか

関中理學淵源考

ナル

金片四月白十 宋為顯官者不知凡幾百人其功烈炳著以忠名世者 有返樸之思馬剛 翔八世孫曰軩靖康問以資政殿學士使金營金人 遷入閩日翔者居崇安之五夫日朝者居建陽之麻沙 合二族得五人馬其所自出則漢楚元王之裔由京兆 滕氏祐撰劉氏五忠堂記曰題之望曰劉氏其先仕唐 川有聲尤工吟咏著傷時歌深悼世人不務本實穆然 備考 卷六

九日日華 A島 生子羽宣和問為微猷閣待制與張浚協力拒金人以 立廟祀之贈太尉諡義壯此皆麻沙之劉世謂西族 定問知部武縣率兵破賊為餘寇所執不屈而死郡人 問為淮東提刑金兵入淮領死之又十二世而生統紹 國公此皆五夫之劉世曰東族也朝七世孫曰領紹與 至同知樞客院事立朝臨陣亡身憂國卒贈太師封魯 保全蜀卒贈少傅追贈魏國公子羽生珠在孝宗朝官 相之幹作書與家缺自縊而死贈太師追封魏國公幹 関中理學湖源考

微充乎天地之大行之一時之近昭乎萬世之遠使三 國之忠臨難則致命遂志而守殉國之節存乎方寸之 行指而為事業其在人國也平時則效誠宣力而為翊 偉矣人得天地剛大之氣以生養而為全人蓄而為德 是五公者或臨難或死節或立朝盡瘁事有不同其為 綱不至於淪戰人極不至於破壞而天下後世永有賴 忠一也故其諡也幹以忠顯子羽以忠定珙以忠肅領 以忠簡而純之廟號賜忠烈名之稱情其若是哉嗚呼

た己の巨人は 如桀紂徒以强臣跋扈至於亡國令其末流子孫散在 世而迭出此尤自昔之所罕見舉世難得者嗚呼盛哉 矣五公者其養之厚蓄之深其措之而沛然者乎其足 馬益如是而後為全人如是而後無愧乎天地之生人 祐嘗竊怪漢萬祖以仁厚得天下而後世未嘗有大惡 况忠臣烈士世不常有扶與問氣之所生非偶然也今 以劉氏一門而為忠者有五奇勲大節萬爵鴻名累數 以扶三綱立人極位兩間而無愧得有生而獨全者乎 刷中理學淵源考 主

金となるころという 事於名教有關非特可以勵劉氏後也作文記之 生颐寧劉君澤翰十三世孫也以弘治已酉十月構堂 於不墜則其仁厚之餘澤詎可誣哉前此五公未當有 天下生於異代者猶烈烈問出為世偉人以扶植人 啟後思而聞世澤於無窮其用意也遠矣堂成祐喜其 於屏山祠右設木主而萬馬勝其額曰五忠益崇先德 乃使之民然不得與血食於人心何如也祐姊壻太學 祠且以世遠不得與四代 之祭夫有祖宗如此而子孫

務郎辟真定府幕屬翰死請康之難先生痛憤廬墓三 劉子暈字彦冲崇安人贈太師輪之季子以父任補承 著外此不知師承何人惟朱子作墓表言公與胡原 按屏山先生為忠顯公季子家學相承一門忠節炳 齊先生託孙則其源流亦可考矣 仲劉致中為道義交相見講學外無一雜言又為韋 文靖劉屏山先生子暈學派 文靖劉屏山先生子暈 到中理學淵原考

欽定匹庫全書 端後生來問學則隨其器識告語成就無倦色問數日 年服除通判與化軍寇入間境與郡將張當世畫計備 盡棄人事自號病翁獨居危坐塔然竟日夜意有所得 年世家屏山下潭溪之上有園林水石之勝俯仰其間 衛如素服戎事者賊不敢犯年方三十自以哀毀致羸 朝一走父墓涕咽或累日乃返事繼母吕夫人及兄子 則筆之於書至聞人有片言之善則從容咨叩必竭兩 疾不堪吏責丐間局主管冲祐觀以歸不出者凡十七

童子獲侍左右先生始亦但以舉子見期其竊窺見其 卷師事之晦養將冠先生命字祝詞晦卷嘗言其蚤以 外無一雜言所與将皆當世知名士朱韋齊且死獨晦 卒有立馬素與胡原仲劉致中為道義交每相見講學 羽子翼極盡孝友兄子珙幼敏皆學先生教之不解珙 二裔東以復名西以蒙名一日晦養侍疾請問先生平 開示為學門户朝夕誨誘不倦先生深於易家有東西 自為與教人者若不相似眼時借請馬先生嘉其志乃 22.00 12 1.1.5. P 則中理學淵源考

金分四月分書 告入道次第先生欣然告之曰吾少未聞道官莆田時 娶以兄子翼幼子坪為後年四十七得微疾即入謁宗 乃相與言之汝尚勉哉晦養頓首受教先生妻死不再 是當作復齊銘聖傳論以見吾志然吾忘吾言久矣今 謂不遠復者則吾之三字符也佩服周旋罔敢失墜於 之大其體用之全乃如此抑吾於易得入道之門馬所 以疾病始接佛老之徒聞其所謂清净寂滅者而心悦 之以為道在是矣比歸讀吾書而有契馬然後知吾道

子撰墓表 付以家事指示葵處既已則與學者論說修身求道之 廟泣别母夫人前徧以書告訣素所往來者召其姪珙 易固多術或尚其辭或尚其變或尚其象或尚其占皆 者稱屏山先生諡文請有文集二十卷明書 要作訓誡數百言彈琴賦詩澹如平日後兩日而殁學 用也盡其本則用自應何謂本復是矣管竊為之說白 ī 聖傳論録四 明中理學湖原考 三五田 名臣 宏簡母言

一致定四庫全書 庶幾益本夫子當以復禮為仁之說告之矣顏子躬行 學易者必有門戶復卦易之門戶也入室者必自戶始 學易者必自復始得是者其惟顏子乎不遠而復稱為 愚論語所載惟發二問一為仁一為邦夫子答之皆極 何天下歸仁惟踐履實地自然洞徹為一顏子終日如 允蹈遂臻其極一已既克天下歸仁復之之功至矣如 開物成務顏子盡之雖無諸子之著撰謂之通易可也 天理人事之大者原易之用內馬惟窮理盡性外馬惟

急務也余當作復齊銘曰大易之旨微妙難詮善學易 NA DIST LIAIS 而存孰迷而失勿謂有本勞思內馳亦勿謂無悠悠弗 易匪輕動而知復悔各不生惟是四知本馬則一孰覺 視而知復不蝕其明聽而知復不流於聲言而知復匪 者以復為先惟人之生咸具是性喜怒哀樂或失其正 者豈易道本於踐履非區區言説所能至耶是知復之 文中子言九師與而易道微九師之前未有為易之說 義為平白坦易之塗聖人善誘之上機學者用心之 関中理學湖源考 至五

急哉顏子 曾子之孝立身揚名惟此一節而於聞道最為超警生 幾之功點臻其極今我仰止以名斯齊念兹在茲其敢 周流六虚告非不足令非有餘伊顏氏子口不言易庶 於戰戰兢兢之時發善言則存乎容貌辭氣之際皆敬 心而成已驗其平日服膺念兹在兹而已啟手足則見 思廓爾貫通心冥取舍既復其初無復之者蕩蕩坦坦 死之際粲然明白葢由始則因孝心而致敬終則因敬

到定四届全書

大彼窮搜博覽惟恐不聞者疑情未除也朝咨夕叩請 常而至其至也此無他疑情未除也學者之害疑情為 能馬核其實聖人以為難矣自子曰養可能也敬為難 者孝之名也謹於昏昏者孝之實也求其名匹夫匹婦 之謂也戴經所記與義甚多首文三語已盡其要學者 强至於能安能卒非確然自信毅然必為未有能樂其 敬可能也安為難安可能也卒為難斯須之敬人能勉 非弗知也然皆有愧於曽子者行之弗至也恭於昭昭 ここうこ 1.1. 関中理學淵源考 二大

銀定四庫全書 其卓絕然差之毫釐異乎吾所聞矣其說曰人之所以 唐李朝自謂得子思中庸之學著復性三篇會理者稱 曾子遊聖門最為年少夫子與之言道唯諾而已夫豈 益不休者疑情未除也博量揣摸求合乎似者疑情未 有毫髮疑情哉宜其成就巍巍度越諸子矣曾子 方且以禮法為拘囚專精為滞看求其有始有卒難矣 不能尊其所聞易移則不能行其所知二者交亂其問 除也情既有疑則中不安不安則輕聽而易移輕聽則

感其性者情也喜怒哀懼爱惡欲皆情之所為也情者 嘗滅情也夫情與生俱生果可減耶情可滅性可滅矣 言其言非不高妙然非子思中庸之學也中庸之學未 妄也邪也妄情息滅本性清明又日循理而動所以教 而週之其源益流惡木之花而截之其根浸傷聖人不 之端也情之所發也與生俱生而欲滅之猶惡水之波 今持一葉以示嬰兒與之則笑奪之則啼此喜怒哀樂 人忘嗜欲歸性命之道也迹其推衍大約皆以滅情為

とこのしていかっ

関中理學淵源考

多方也居 全書 一子乃斷然言曰君子深造之以道欲其自得之夫以聖 過節之防之止之不使其爛熳害性而已善養性者不 汨於情亦不減情不流於喜怒哀樂亦不去喜怒哀樂 聖人標指固非一途前學以是流布後學以是進修孟 以明中非舍此而中可得也子思 離中即契馬故喜怒哀樂之未發謂之中子思姑約此 以為中亦不可如金石之有聲如飲食之有味非合非 子思所謂中也即喜怒哀樂以為中不可離喜怒哀樂

優入聖域是學也父兄至爱不能發其端師友至家不 於徐真用發於常真樂生於淡軒軒之志久必墜皎皎 心發於情情其見必卓開於冥冥其詣必至故拙魯愚 能進其道必也靈襟中啟獨見內融洞洞然屬屬然如 之於心也心無所得而蹈規守矩終出勉强不能從容 **賢標指拳拳服膺自應有至何復名自得耶自得者得** 鈍為道之資智巧聰明為性之障真志立於懦真習養 平音之傳聞想像一旦親親馬庶乎其可也夫學者之

火ビ四車全等

関中理學淵源考

遵舊轍以驅馳故思學廢於箋解省學廢於譏議悟學 害之學者亦曰如是足矣理盡於此矣拾前人之咳唾 退而進者也去聖已遠自得之學湮沒無聞非唯學者 學貴終始也千了萬通愈失真宗惟循惟點乃能自得 之習久必疎揭揭之用久必變沾沾之樂久必渝是以 極口宣揚諄諄屑屑無舉隅善誘之方將以利之反以 之失也亦教者之過馬六經之言星髮分辨聖人之意 回之愚參之魯在孔門所得最深皆用心於無所用若

金光型人人

次已四重 白島 班固作史贊非獨詳於紀善也又重美之非獨略於紀 書於紀酉自名之日春秋考紀其言有深意馬 班固作漢書惟紀最為嚴密事皆詳載於傅而撮其要 其源而已不可以意義形容也孟子 有自得之言無自得之迹但言居之安資之深左右逢 **貳六學廢而道衰矣孰以孟子自得之言故之哉孟子!** 廢於揣度通學廢於偏黨點學廢於領略敏學廢於疑 漢書雜論 限中理學淵源考

成帝之穆穆之容皆見稱述者不以一失廢其他長也 金グンスとする 故曰雖小善必録吕后之寵產禄景帝之殺晁周皆略 兵奢侈其賛日雄才大略不改文景之恭儉詩書所稱 過不書文帝之仁言儉德贊中絕列十數條嘆曰嗚呼 何以加馬非略於記過又婉其辭乎元帝之號令温雅 日文景務在養民非詳於紀善又重美之乎武帝之窮 過也又婉其辭其紀善也雖小善必録其紀過也非大 仁哉於景帝赞又曰至於孝文加以恭儉於武帝赞又

異交朋尚馬請祝以字字以元晦表名之義木晦於根 朱元晦祝詞曰冠而欽名學惟古制朱氏子熹幼而騰 故也 言可赞也故賛衛霍不言征伐之功替相如不論文章 つこうう たんり 之美其他則片善寸長對皆言之有餘易見不足難知 稱也益以髙祖之盛德大業不假言而自者亦非一二 史赞諸帝皆稱述獨高祖赞推其世系運統而已無所 而不言者不以小疵玷其全美也故曰非大過不書 開中理學淵源考

融養真與開原如源之方駛望洋渺漏老我縮氣古 惟先吏部文儒之粹彪炳育珍又華其繼來兹講磨融 氣象知顏氏如愚迹參并游英馳俊驅豈無他人夫誰 若無實若虚不斥厥名而傳於書雖百世之遠也揣其 泰容華敷人晦於身神明內腴首者曾子稱其友曰有 則三夾輔孔門翱翔兩驂學的欲正吾知斯之為指南 間然其光烈烈從事於兹惟參也無慚貫道雖一省身 敢居自諸子言志回欲無伐一宣於聲終身弗越陋卷

多定四年全書

矣自朝至昏以一條貫馬勿謂末也本實由之母悦於 易安食則知味類面奏圖脱襟展履每每存之斯無過 處中惟不自輕雖奴隸亦尊盛地如污其畏如是寢則 學者必謹其初凡日用問業業乾乾散供必恭執事必 遺訓日木稱而曲其老不舒人稱不攻其成必愚故善 養於蒙言而思裝動而思躓凛乎惴惴惟顏自是畏 人不云乎純一不已恨友道之哀變切切而唯唯子德 不日新則時余之恥勿謂此耳充之益充借曰合矣宜

とこうら これ

関中理學淵源考

讀書為文略相上下一日忽踴躍猛進出語驚人文公 惰夫疑以自絕 奪之或斷或續及其至馬皆其所積故君子許其進而 出指於西底止必秦其次也頃刻之功初若不足外務 新母駭於奇驟得必夸久而寖撒習而察馬豈曰無徵 屏山癬中俱事屏山先生銖少文公一歳與文公切磋 黄銖字子厚甌寧人朱文公年十五六時與相遇於劉 黄子厚先生銖

金片四月有書

竟日間軌曳杖行學田野間其於騷詞能以楚聲古韻 嘗不賞漢移日鉢文學太史公詩學屈宋書隸學魏晉 嘆其超然不可追逐其後詩文益工文公每得其豪未 歐陽光祖字慶嗣崇安人九歲能文人稱童瑞從劉子 止於昔日也問書 為之節族晚節詩彌高古其變化開闔恍惚微妙又不 7. 17 12 1.L.5 以前中年不得志於場屋遂發憤謝去杜門讀書清坐 運幹歐陽慶嗣先生光祖 未 関中理學湖源考 主

一级定四库全書 終老團 而趙公去國後為江西運幹致仕卜築松坡之上湛然 **暈朱文公講學子暈甚重之文公亦遣子師事馬乾道** 八年再舉登第不赴趙汝愚張杖列薦於朝方欲名用 其問業之廣久而有得則從元城劉公始故其成就 先生指籍溪初學易於涪陵熊氏後從龜山於毘陵 卓榮為韋齊托孤晦卷師事之其聲氣感通豈偶然 劉白水先生勉之學派 卷六

哉兹特著其派系附焉

學時終京用事禁士挾元祐書制師生妆書連坐罪至 千言肆筆為文滂沛閱閱凌属頓挫踰冠以鄉舉詣太 劉勉之字致中崇安人父元振先生自幼强學日誦數 聘君劉白水先生勉之

陰訪伊洛程氏之傳得其書藏去俟深夜同舍生熟寐 流徒名為一道同風實以鉗天下之口先生知其非是

とこうころいたう 乃探箧燃膏潛抄點誦涪陵熊天授當從二程游無家 U 関中理學湖源考

屯别墅結草為堂讀書力稿無求於世賢士大夫成髙 城尤奇之留語數十日告以平生行已立朝大節以至 之務若不屑馬亂後故山室廬荒頓乃即建陽近郊蕭 生 仰之紹與間中書舍人日本中與同列曾天将李似之 有所得與劉彦冲及胡籍溪講論切磋為事其於當世 方外之學無不倾盡先生聽受其言精思力行久之若 易學通以事至京即往叩馬得其本末遂棄録牒揖諸 歸道南都見劉元城過毘陵見楊龜山皆從請業元

金分四月 全書

後事先生經理其家愛晦養如已子以女妻之所居有 **圣與朱韋齊先生友善韋齊臨老命晦養師事馬屬以** 鼎出鎮南州道出里門舒樂入謁坐語移日彌加嘆賞 接物恂尚色笑可親臨事財處不動聲氣學子造門隨 至秦檜方主和議恐觸忌諱但令對策不令入見先生 其材品為開說聖賢教學之門前言往行之懿故相趙 張子猷共薦於朝特詔赴闕劉屏山作招劍文送之既 知時不合即日謝病歸杜門不復出平居嚴敬自持而

とこり事を

関中理學湖源考

三十四

金月日月八月 白水學者稱白水先生孫懋道南源委 與任公伯雨俱入元祐黨籍李曰處士潘隱處不仕 樂易有古人風其仲子深紹聖問以論斥時相之姦 發進士第卒贈朝請大夫陳忠肅公賢之稱其率真 評事者諱鐸始以文行知名鄉里生太常博士語始 里其處口鳥洲李氏世居為郡著姓其先有贈大理 子未子撰特奏名李公墓誌銘曰邵武軍光澤縣東 光澤李氏家世學派 朱子撰墓表

决乎人心流風餘韻猶有存云兹再備録於編 雲巖教音刷布與考亭師友濟美當世而過化之澤 澤一邑由西山李先生得道南之緒大倡斯道月洲 其葬也脩撰李公夔實銘之益自其先世所與交遊 長子也按李氏族系文公叙述詳矣上官氏祐稱光 不與世俗同若特奏府君諱純德字得之則處士之 姆好盡一時知名士故其子弟見聞開廓趣尚高遠 博士李先生詰

次足四東 A 馬

関中理學湖源考

三五

李深字叔平登熙寧九年進士第調濟陰簿歷都陽遂 李語贈大理評事鐸之後語舉進士第官至太常博士 金罗巴尼白明 知得州立學校華夷俗官終大理丞府志 李詳字自明幼警悟善屬文議論純正登嘉祐八年第 卒贈朝請大夫陳忠肅公瓘賢之稱其率真樂易有古 風弟詳子深孫統德曾孫日玄孫関祖問 寺巫李自明先生詳 朝散李叔平先生深

文已四年 · 於時遂謝事体致亦入黨籍問 李勉字安道舉進士知尤溪順昌二縣素負氣節多件 年移建昌軍改青州五年復官有杭州集二十卷弟勉 時相之姦與任公伯雨等罷入元祐黨籍安置復州四 章惇廷争奪一官已級復遷朝散郎陛解以言事論斥 平二縣以清慎稱名為編較所詳簡役法文字與蔡京 子陷有武府志 縣令李安道先生勉 邹 開中理學淵源考

李偕字進祖崇寧二年禮部第一特奏名安忱對策言 金片口后人可 都守李進祖先生階

脅叛陷叱之遂遇害事聞贈右承事即與一子官書 赦復官調鹽城尉建炎初攝臨安府比較務州卒陳通 使黨人之子魁南官多士無以示天下逐奪陷出身遇 特奏李得之先生純德

李純德字得之處士藩之長子少治周禮無左氏春秋

為文簡古不逐時好事親至孝寫友諸弟遇族黨有思

其惡所與交皆巨人長者從弟郁當面嘆曰兄於答問 質實發言處事不以幽顯物我為間樂聞人善而務掩 白臨事而無陰據便利之心斯可矣又曾語人事有當 與較至周其急較衣食不恤也諸弟當問善人之道答 意少有您争即為居間極力平處不令至官不幸死喪 此其行身及物之本意也平居方嚴不妄戲笑性敦厚 為力雖未及亦勉為之若必有餘而後為則終無時矣 則為經理家事而任其婚嫁之責有以惡聲至者未嘗

文已日日 LE

関中理學淵源考

手も

六年年已晚見朱文公於廬阜遂為講學之友邑令張 成聚族千指昕夕序揖致禮自少至老不以寒暑少變 李吕字演老號澹軒深之從孫蚤孙事母孝育弟妹有 金石豆尼白書 幼從學於從父郁郁學於楊龜山家傳遠有端緒淳熙 以特奏恩將入奉廷對先卒朱晦卷為作墓銘子日閱 若不經意而受其言者反覆十思終無以易紹興五年 朱子文集都武府志 李澹軒先生吕

弟登晦菴先生之門篤志强力精思切論晦菴延之家 李閎祖字守約别號絅齊召之長子蚤授庭訓與其二 訴者病已無社倉以其事就日圖馬日為條畫精明綜 易矣所著有周易議說澹軒集子問祖相祖壯祖孫方 時和之以義尚非真知義之所在而喜言變通反害於 子俱見朱子學派母書 理鎮客文公為之記日學甚富尤深於易每言易在識 縣令李守約先生問祖弟相祖 部武郡志 考亭淵源

名王马平在馬

関中理學淵源考

明用心精切平居謹飭雅言矩步見者為之肅敬 李相祖字時可當以晦菴命編書説三十餘卷辨質詳 之有師友問答十卷 終廣西經略安撫司幹官黄幹李燔張洽陳淳皆敬重 信孺待以國士漕使陳孔碩引以自輔两臺之事成倚 金月四月八日 以决暇日即指學訓迪諸生士習丕變調福州古田令 士廷對發明所學不逐時好調靖江之臨桂簿提刑方 塾以訓諸孫為編中庸章句或問輯略登嘉定四年進 卷六

文已四戶 Am 買人宗之者蜀鑑十卷考亭湖源録 歷知閱潼二州吏譽詢然持麾蜀中二十年以道學倡 李文子字公謹方子之弟亦從未子學紹熙四年進士 遂語以為學之要後與兄守約同第進士調閱清尉真 李壯祖字處識初以書見朱子求教朱答書嘉其有志 西山薦之稱為典型人物 李西山先生郁學派 州牧李公謹先生文子 関中理學淵源考 芜

一玩坐立必莊從舅氏陳忠肅公學瑜冠乃見龜山而請 金月口尼台書 李郁字光祖光澤人元祐黨人朝散郎深之子幼不好 朱子答李濵老日書云某少時讀程氏書年二十許 得 始得西山先生所著論孟諸説讀之又知龜山之學 知足下益得其家傳者是時家居西距髙隱不遠不 横出此枝而恨不及見也既而得從何兄叔京遊乃 往質其所疑徒往來於心不忘云 刪定李西山先生郁

業馬龜山一見奇之妻以第三女是時龜山以程氏說 之人心公退求其說不合因取論孟讀之昼夜不懈十 用心必有在矣及請見於餘杭則其告之亦曰學者當 所以傅国不在於文字而古之聖賢所以為聖賢者其 教授東南一時學者翕然趙之而龜山每告之日道之 つ・フ・リーン・コー 有八年乃涣然有得龜山益深許之龜山沒以所學淑 知古人之學何所用心學之將以何用若日孔門之學 仁而已則何為而謂之仁若曰仁人心也則何者而謂 関中理學淵源考

|動定四庫全書 當世大務高宗改容傾聽補迪功郎除勅令所刪定官 於群疑並與寢食不置然後始當縣進耳陳點堂稱其 後進亦口學者於經讀之又讀於無味處益致思馬至 學口目俱到未見其比游太學紹與中以遺逸名對陳 福建帥府機宜文字日訪民間利病告其長而興除之 西山家計属空曠然不為意當世賢大夫益萬仰之辟 丁憂服閱會泰僧用事自度不能俯仰禄仕築室於邑 日帥欲毀民居數十為列肆酤酒要利争之不聽以 卷六

垂訓開示後學可謂至哉顧自秦漢以來道學不傳儒 朝散公遺命為其叔父庭之後庭卒毀瘠如禮治喪必 所著有易傳論孟遺養及遺文數十卷藏於家學者稱 誠必敬兄階罵賊死先生事嫂如母撫其子女如已出 老病謝歸帥惭謝强留卒於官年六十五先生天資粹 美涵養有方誨人無倦色自奉甚約而事親極其厚承 西山先生朱晦卷表其墓曰聖賢遠矣然其所以立言 凡世務人情官政文法以至行陣農圃之事靡不習知

久已四年 ·

関中理學湖源考

野二

金月正左人 尚有考馬道南源委 者不知反已潛心而一以記覽誦說為事是以有道君 授泉州丞安福用薦者改秋知慶元縣彦清生紹興之 張彦清字淑澄浦城人紹與元年進士初主光澤簿教 其亦足以觀矣予是以著之而并記其行事後之君子 子深以為憂然亦未當遂以東書不讀坐談空妙為可 以徽幸於有聞也若龜山之所以教與西山之所以學 縣令張叔澄先生彦清 朱子文集

之論方熾同列以是發策士子希主司意争該管先儒 12 2.0 5 1.45 W 與薦有富室將女之彦清曰忍負徐公仕雖久家無旬 鄉先生徐君翻學徐喜其開敏欲妻以女未及而死既 逮不站甘服美者終其身女兄未嫁捐所有資之少從 季長於乾道淳照問初從朱文公将得其大旨及仕光 月儲歲暮貧且迫不肯苟受當被檄武士三山時偽學 澤與隱君子李濱老日将質疑辨惑造詣日深其為人 以孝友忠信為根本潔庶勁挺為質幹親蚤殁恨養弗 関中理學淵源考 四十二

蠻詞知有備引去俄傳冠且至彦清徧諭居人慎勿動 發燬永新蹂龍泉距縣不百里彦清佐其長聚兵防之 徒行訪得其冤狀至獄破械將釋之吏争不可弗聽未 幾真殺人者獲於他邑彦清亦絕口勿言吉安峒蠻竊 勤民為心慎於治獄曽被臬司命往鞫疑案將至微 弗屑就及陳敗衆始嘆服有守其施之政則自始仕以 彦清獨取持議不何者與其選陳丞相自强當校文于 建彦清其所取士也及自强為相屢欲鉤致彦清彦清 服

動好四母全書

已而傳者果妄郡檄彦清行眠水新既至餓民纍纍請 真文忠公銘其墓府志 耶晚字慶元甫至而目青作以疾請主管台州崇道觀 加賑恤未報而命彦清督其租彦清歎曰此豈催科時 通建 志寧

欠この五

2.4.5

風中理學淵源考

金分四月在書 閩中理學淵源考卷六

CALIBION MILES 欽定四庫全書 啟後人讀王忠文公施泉時咏陳公偁祠詩曰九年 為光遠先生世卿父為君舉先生何皆清官夙學肇 友者忠肅與默堂二先生為最著考忠肅先世乃祖 按延津楊羅李朱四賢之外私淑程門而與龜山師 閱中理學淵源考卷七 延平陳氏家世學派 関中理學湖源考 廣平府知府李清馥撰

為治獄空訟息召知開封府屬新法行請外知泉州未 奏免其課錢凡五十餘萬民建祠祀馬移治宿州用嚴 税民魚湖廢而稅尚存侮堤湖數里時蓄洩魚利歸 有惠政調通判蔡州力争死獄五人知惠州州有豐湖 陳俯字君舉沙縣人以父任補太廟齊郎再調羅源令 堂忠肅見公兒今録自君舉先生而下著於編 地主百年祠民自元豐結去思善政在人宜有後堂 朝議陳君舉先生偁 民

動玩四周全書

幾坐開封府陷失青苗錢罷州人聞之期三日裒錢五 DANDING MILE 暖汀州推官珏校書即瓘見下幾知吉州延平 司于泉哲宗立詔從其議以朝議大夫致仕贈特進子 田舊法番商至必使指東廣否則沒其貨俸請立市船 元豐五年再知泉州歲旱教民用牛車汲水入東湖流 十萬價負贖留之改知尉州築堤十里以防皖溪之患 按紫陽先生每以公與元城忠定劉公並論大抵其 忠肅陳瑩中先生瓘學派 則中理學湖源考

志氣相同其才畧亦同也王龜齒梅溪自云丱角讀 賢林立講習而服行之其踐履寫實百折不挫稱有 體有用之學梅溪列韓范司馬十二名臣以公為殿 矣平生學問私淑程門於龜山在師友之間一時英 書聞先生長者之論即知欽慕公之為人宦遊絕婚 視了翁為前輩雖未當從将而聲氣相求非一日也 後云再按龜山先生題李丞相送陳幾叟序謂李公 獨携温公忠肅二畫像以行其為賢哲所心仰可想

一多分四月在書

卷七

察其賢每事加禮而先生輔自遠屢乞歸章不得上檄 州掌書記元祐四年愈書越州判官時蔡下為越州守 攝通判明州章惇入相先生隨衆道謁惇聞先生名邀 務進取父母强之乃應舉元豐二年甲科第三人調湖 陳先生瓘字瑩中號了翁沙縣人偁之子少好讀書不 云 問道之勤見於斯文惓惓之意厚矣今特附之交友 忠肅陳瑩中先生瓘 明中理學湖原考

欽定匹庫全書 共飯而别到 闕召為太學博士先生聞其與蔡卞方合 柳黨持中道庶可排弊博意雖忤然亦驚異之留先生 此得非奸称先生日不察其心而疑其跡則不為無罪 先辨耳先生日公誤矣果爾將失天下之望惇厲色日 問今天子待公為政公將奚先惇曰司馬光奸邪所當 與同舟問當世務先生以所乗舟勢偏輕偏重喻之因 若揭為奸邪重復改作則誤國滋甚為今之計惟當消 司馬獨朝朝柄不務續述先烈大更神考之政誤國如 501 卷七

高閣不復敢議毀當為别試所主文自謂蔡下日聞陳 知必害於正論遂以婚嫁為辭久乃赴官時羣邪得志 下怒謀因此害先生先生固預料其如此乃於前五名 之天性豈有少長之異自以告下下乃密令學中置板 其非也自曰亦神考少年之文耳先生曰聖人之學得 特引神宗序文自鷲曰此豈神考親製耶先生曰誰言 下黨薛昂林自議毀資治通鑑板先生聞之因策士題 てこうし 瓘欲盡取史學而點通經之士意在動搖剃公之學也 閩中理學淵源考

憾之出通判滄州知衛州徽宗即位以韓忠彦薦召為 移時意甚感悦令再入見有變更時事之意執政聞而 成帝王之治帝王之孝與士大夫異帝反覆究問語遂 訓學者考論舊事若者順而行之稽者詳其當否所以 之說盛行先生入奏哲宗言堯舜禹皆以粵若稽古為 時所以救時不必取快目前也遷秘書省校書郎紹述 多定正库全書 稽古之士先生當日當時若無嬌揉則勢必激壞故隨 悉取用王氏學者下無以發然五名之下往往皆博洽 卷七

惇共作威福下則除為謀畫惇則私斷力行而京則且 得以自恣遂使當日之所行皆為今日之所蔽遂舉京 之耳目成私門之利勢言路既絕人皆鉗默凡所施行 言官常安民孫諤董端逸陳次升鄒浩等五人掩朝廷 謀且行惇之於伐下之乖悖京實贊之七年之間擠陷 言翰林學士承肯蔡京當紹聖之初兄弟在朝贊尊童 徽宗将有大用之意先生上疏力言先後几十上末疏 右正言遷左司諫蔡京蔡下羽翼章惇京復陰結權貴 則戶里勢消原考

欽定四庫全書 布尊私史而厭宗廟緣邊費而壞先政二者天下所共 知而聖主不得聞其說蒙蔽之患莫大於此布得書大 將大用先生作書投布無以日録辨國用須知送布言 無權給事中宰相曾布屢薦先生于擬宗遣人諭意云 四章尋改知無為軍明年還為著作郎遷右司員外郎 不根罷右司諫添差揚州糧料院將出都併奏所未上 怒争辨移時至箕踞許語先生色不為動徐日告所論 四事皆天下所譏議者為徽宗言之徽宗以先生所論

獄具正彙坐流海上先生安置通州在通州時復取前 事下開封府制獄併逮先生京使權尹李孝壽治其獄 京有動搖東官之跡杭守蔡嶷執送京師先飛書告京 州五年遇赦移彬州稍遷宣德郎以子正量在杭告蔡 先生出即録所與布書及日録辨國用預知録以狀申 者國事是非有公議公未可處失待士禮布矍然改容 在明州時所著日録辨推而廣之名尊堯録釐為八門 三省乞行竄逐信宿出知泰州崇寧中除名竄表蔗二 1.1. 関中理學淵源考

城日朝廷令取尊竟集耳先生日然則何用如此君知 一銀定四庫 全書 畏公議耶城時已窘先生百端而宰相猶以為怯而罪 何得為罪時相學術粗浅為人所愚君所得幾何亦不 尊堯所以立名乎益以神考為堯主上為舜助舜尊堯 陳獄具将挟以死先生大呼曰今日之事豈被制旨耶 送至台每十日一徒且命凶人石城知州事執至庭大 而商英罷又徒先生台州時宰遍令所遇州出兵甲违 合論四十九篇而為之序張商英為相獨取其書既上

71.10.01 hit. 州年六十五靖康初韶贈諫議大夫名官其子正彙紹 將有賴于公當力加保爱以待時用宣和六年卒于楚 先生平生論京下皆披摘其處心發露其情惡最所忌 **郵出城旋令居南康總至又移楚州使不得一日安處** 仍與差遣執政持不行卜居江州復有諸之者至不許 之在台五年乃得自便纔復承事郎徽宗令再叙一官 興中高宗讀尊堯録謂明君臣大分而是之賜諡忠肅 恨故得禍最酷劉安世聞其疾使人勉以醫樂曰天下 関中理學淵源考

多玩四月 台書 林象字商卿仙逰人幼孙隨母鞠於外祖陳次升家以 著有了齊集通志 先生謙和於莊通易數言國家大事後多有驗嘗與校 有之先生驚問為誰淳夫默然久之曰不知有程伯淳 書郎范淳夫同事淳夫論顏子不遷怒不貳遇唯伯淳 直秘閣次子正同敷文閣待制從孫淵見龜山學派所 耶先生深以寡陋為處作責沈文自責馬子正豪官至 教授林商卿先生录 開書 名臣言行録 名臣傅

宋累朝典故後僑居真州又得事劉安世任伯雨陳雅 故得盡讀六經百氏之書多聞元祐名臣出處大節與 問家事日吾以付二弟隆興元年春監司帥臣列薦名 諸公而與任申先象先兄弟為忘年友紹與初嘗為簽 樞徐俯禮致而終不受其薦奉母歸閩菽水盡歡母沒 司郡守敦促之復引疾不就於是陳孝則林孝澤皆泉 赴行在力以疾辭其秋丞相陳康伯樞家黄祖舜令監 終喪寓居僧舍不謀婚娶曰吾有弟不至絕先人世不

之二日后 加加

関中理學淵源考

仙問蓮書 前偉人適以憲漕會閱中相繼率數百人以象名聞參 金月正月日 士出身添差與化軍教授未一考卒年七十自號萍薦 編置葵其一也謫居衡州三年雷震元祐黨人碑得釋 陳蔡字伯嚮閱縣人初入太學試上舍優等中南省第 政周葵為轉上之詔再促名亦不赴乾道四年特與進 三人握甲科蔡京籍元符中上書王定等十八人奏乞 教授陳伯嚮先生葵

躓蹶操尚不改時論島之關 一尋召對除諸王官教授瑜年又以趙鼎黨罷歸葵屢遭 還說有司許依元考定甲分註官授樂清尉再調建州 府法曹祭軍除編脩國初會要以父年逾九十求便養 張讀字聖行安溪人紹聖四年以上含生擢第調類昌 胡世將孟庾宣諭福建以葵應名授承事郎將作監丞 以陳瓘門人復為京黨劾罷高宗即位訪求元祐黨人 直講張聖行先生讀 関中理學淵源考

復籍此媒蘖不若刮摩之為愈使東坡無此銘萬世之 被名以疾辭奉祠性至孝居喪廬墓疏食終制杜門却 初士卒驕忍一日誰趨庭下乞額外給賜先生正色叱 通判本州後除王府直講未幾請郡知與化軍時請康 坡墓銘以示先生先生日斯文妙盡東坡平生恐仇人 之諸卒感服反告其渠魁即梟於市一 統禮所獎重後與李方叔端叔為蘇黃門客子由作東 所交皆天下士始與陳瑩中友善既仕為趙清獻范 郡肅然建炎初

一分定四库全書

樞客自孝寬聞其賢延館之奏授將仕郎試國子監簿 王伯起字聖時福清人曾祖仁續不受閱王審知偽命 之語嘉熙中邑令趙崇栗表其鄉曰曾子里閱 壽八十卒李文肅哭以詩有累日塵生甑經年肘見衿 **密善屬文閱中碑码多出其手貲入即分親故之貧者** 終隱南山伯起少遊京師受經于王安石學文於曾鞏 下其不知有東坡乎晚年從晉江與李文肅那過從尤 教授王酉室先生伯起

| とっしり | 関中理學消源考

集卒贈右宣教郎問書 金月日だん 酉室一時名人若江公望陳瓘皆與友有詩曰唱道野 以假承務郎授嚴州教授力辭不就解官歸題其齊曰 亦最相善忠定跋了翁文云余政和乙未歲自尚書 生肄業于上庠挾策考疑時相遇從又與陳公了翁 按龜山楊文靖公撰李公夔墓志云余與公同為諸 即謁告迎親雲溪時了翁自天台歸通川與余相遇 邵武李氏家世學派 Ξ

とこり日 1:4.5 幾更并寓書通恩熟了翁答書辭意懇懇至舉狄梁 **丙午余紫異恩自奉常不旬日擢多大政實總軍旅** 於姑蘇一再見有忘年之契後四年當宣和之初余 知已恨公不見及也以上錄楊陳二先生語想見一 之事踰月冠退宗社已安四方牧寧叨處樞輔追感 公及本朝李文靖王文正二公事業以相勉余竊怪 以左史論事謫沙陽了翁方居南康余因序送陳淵 公相期太過非所敢當也又後七年靖康改元歳次 関中理學淵源考

動気で母る書 逮居上库與龜山楊時最相善元豐三年登進士第為 諸子百氏之書下至毛鄭箋傅無所不窺學由是日進 每器重之因授以書几耳濡目染過即成誦自是六經 鞠於外家成童猶未知書而額悟絕人舅氏資政黃履 李夔字師和其先江南人唐末避亂徙居邵武變幼孙 時英賢碩德群聚類處交相期待非偶然也因錄李 氏家世著之篇端 龍圖李師和先生變 卷七

とこりらしいよう 右文殿修撰終龍圖閣侍制所著文集二十卷禮記義 山之傍日以文字為娱子綱為鎮江教官就養子舍及 疾請祠章再上除提舉杭州洞霄官東歸家於梁溪錫 華亭尉又調松溪尉無主簿遷司封員外即力請外補 州無西南路安撫使變下車盡革前弊紀網大整遂以 德老儒曷任兹選轉朝請大夫累官集賢館修撰知鄧 除知蔡州朝廷惜其去留為宗正少卿訓辭有曰非清 公為尚書即西迎養京師除發提舉醴泉轉中大夫改 開中理學淵源考

志 外患為憂調監沙縣稅務七年為太常寺少卿金人渝 起居郎宣和元年京師大水疏言陰氣太盛當以盗賊 先生同為諸生肄業上庠相友善公登政和二年進士 李綱字伯紀其先江南人唐末徙部武父夔與楊龜山 十卷蘸於家子四綱維經綸年七十五卒龜山為撰墓 及第積官監察御史以言事忤權貴改比部員外郎遷 忠定李伯紀先生綱

動分四周在書

文已四華 · 與臣同有自召公入議公剌臂血上疏於是徽宗內禪 之議不出於明皇後世惜之異日敏請對因言李綱論 除兵部侍郎靖康元年以吳敏為行管副使公為參謀 地公奏祖宗疆土當以死守何可尺寸與人欽宗嘉納 之議遂决欽宗即位召對延和殿時遣李鄴使金議割 吳敏日皇太子恭儉聞天下以守宗社可也敏日監國 盟邊報押至朝議欲避敵公上禦敵五策因語給事中 可乎公日肅宗靈武之事不逮號不足以復邦而逮號 関中理學淵源考

金以口人 留治兵禦敵專以責卿公惶恐受命未幾復决意南狩 不能留矣公泣拜以死邀之欽宗顧公曰朕今為卿勉 頗悟會內侍奏中宫已行欽宗變色倉卒降御榻曰朕 為東京留守公為欽宗力陳所以不可去之意欽宗意 師欽宗問可將者宰相因推公即除尚書右丞又以公 中謂都城不可守公曰都城宗廟社稷百官萬民所在 捨此何之但當整飭軍馬固結民心 堅守以待勤王之 金兵渡河徽宗東幸宰執議請上暫避敵鋒太军白時 7:1:1

感悟遂命報行公傳旨語左右曰敢復有言去者斬禁 欠己の事人から 身曾戰募壯士絕城下斬酋長十餘人衆數十級金人 管使以便宜從事公治守戰具不數日畢敵兵攻城公 衛皆拜伏呼萬歲六軍聞之無不感泣命公為親征行 子皆在都城頭以死守萬一中道散歸陛下孰與為衛 宗社乎願從幸乎皆曰願死守公入見曰六軍父母妻 且敵兵已逼倘知乘與未遠健馬疾追何以禦之欽宗 公趙 朝則禁衛擐甲乗與已駕矣公急呼曰爾等願守 関中理學淵源考 1

速歸此時與盟則彼不敢輕中國而和可久也军執議 國至於遣質即宰相當往親王不當往若遣辯士姑與 竭天下且不足况都城乎三鎮國之屏蔽割之何以立 竟遣棁往金人須金幣以千萬計求割太原中山河 知有備又聞欽宗已內禪乃退求遣大臣至軍中議和 地以親王宰相為質棁不指一辭還報公謂所需金幣 公請行上遣李棁公曰臣恐棁怯懦誤國家欽宗不聽 議宿留數日大兵四集彼孙軍深入不得所欲亦 間 欲

金灯四尾石量

卷七

PRIDING LIAIS 兵復畿北諸邑而以重兵臨敵管堅壁勿戰俟其食盡 少保張邦昌為質時朝廷日輸金幣而金人需求不已 力疲然後以一 以涇原秦鳳兵來公奏言金人無厭勢非用師不可且 徐議之公退則誓書已行所求皆與之以皇弟康王及 不合公不能奪求去欽宗慰諭曰卿第出治兵此事當 肆屠掠四方勤王之師漸有至者种師道姚平仲亦 以孙軍入重地當以計取之今若扼河津絕讓道分 檄取誓書復三鎮縱其北歸半渡擊之 関中理學淵源考

見泣拜請死欽宗亦泣命公復為尚書右丞充京城四 集者數十萬呼聲動地至殺傷內侍欽宗亟召公公入 夜半中使傳首諭公速援公率諸將旦出封邱門與金 於要功先期夜所敵管欲生擒幹里雅布及取康王以歸 相李邦彦語之日用兵乃李綱姚平仲非朝廷意遂罷 人戰却之平仲竟以襲敵營不克懼誅亡去金使來字 公以謝金人太學生陳東等詣闕上書明公無罪軍民 此必勝之計也欽宗深以為然約日舉事會姚平仲急

金牙巴尼石量

2 1.10 int 1.15 争復追而將士解體矣諂議迎太上皇還京徽宗還次 已追及金人形趙間處得還師之命無不扼腕追公力 宰相咎公盡遣城下兵追敵恐倉卒無措急徵還諸將 擊則擊之乃以兵十萬分道並進將士受命踴躍以行 壁守禦使公下令能殺敵者厚賞眾無不奮躍金人懼 南都以書問改革政事之故且召吳敏及公公至具道 稍稍引却且得割三鎮詔及親王為質乃退師除公知 樞客院事公奏請如澶淵故事遣兵護送且戒諸將可 関中理學淵源考

金万正居有意 書杜郵二字遺公公惶恐受命行次懷州有諂罷減諸 時太原圍未解种師中戰沒師道病歸南仲曰欲援太 皇帝仁孝思慕欲以天下養之意請陛下早還京師語 仕且曰此必有建議不容臣於朝者辭章十餘上許翰 康元年四月公在家院與同知樞密許翰議調防秋兵 已去太上還官上下恬然置邊事不問公獨以為憂靖 多調和兩官徽宗感悟出玉帶金魚象簡賜公時北兵 非綱不可乃以公為河東北宣撫使公即移疾乞致 卷七

たこりをとう 為矣即上疏丐罷曰自秋以來沿邊探報金人日聚兵 而相唐恪進聶山陳過庭李回等公聞之數日事無可 次詔下公皆上疏極論之不報未幾徐處仁吳敏皆罷 專達宣撫徒有節制之名俄又以議和止公進兵每 疏上不報御批日促解太原圍而諸將承受御畫事皆 起兵而以寸紙罷之臣恐後時有所號召無復應者矣 未幾朝廷盡改前詔臣誠不足任此且以軍法勒諸路 路所起兵公奏太原之圍未解河東之勢甚危臣出使 開中理學淵源考 *

夢清都紀 表 為南牧深入之計朝廷日罷兵如太平無事之時無謂 學士領開封府事公行次長沙被 專主戰議喪師費財落職予祠責授建昌軍安置再 白公赴闕尋除觀文殿學士知揚州公奏辭未幾以公 和議之使一遣便可恃以為安也乃命种師道代公而 金灯口尼 江寧及金兵再至欽宗始悟和議之非 京 而身滞江湖 文云果聞鐵· 白重 之演莫陪義市 之下常 命 號聞 令阻命 即率湖南勤王 冬按 之祖 隔者半年 內命其辭免 開、人都城園急朝 除公資政殿 煙封命年 謪

事乃今日政刑之大者陛下欲建中與之業而尊崇替 た己の事 A 島 潛善主邦昌甚力公因泣拜日臣不可與邦昌同列當 逆之臣何以示四方不問偽命之行何以属時節時黃 七議守八議政本九議久任十議脩德翌日頒公議于 中書侍郎趣赴闕力辭不許因上十事以比姚崇一議 朝堂惟僣逆偽命二事留中不出於是公再言留中二 國是二議巡幸三議赦令四議僭逆五議偽命六議戰 入援未至而都城失守矣高宗即位拜尚書右僕射無 閥中理學淵源考

管使入對奏當今之務非有規模而知先後緩急之序 金にないた 則不能以成功所謂規模者外禦疆敵內消盜賊脩軍 能仗節死義者在內惟李若水在外惟霍安國願加贈 人心信賞罰以作士氣擇帥臣以任方面選監司郡守 政變士風裕邦財寬民力改弊法省冗官誠號令以感 恤高宗從之因詔諸路詢訪死節者以聞有旨無充御 貶邦昌潭州吳并莫僑而下皆遷謫有差公又言羣臣 以笏擊之陛下必欲用那昌弟請罷臣髙宗頗感動

.... 絕其從敵之心又可資其禦敵之力此最今日先務也 德所以不忍棄兩河與敵之意有能全一州復一郡者 髙宗善其言問誰可任公薦張所傅亮遂以所為河北 撫司河東置經制司擇有才略者為之使宣諭天子恩 以奉行新政侯吾所以自治者政事已脩然後可迎還 以為節度防禦團練使如唐方鎮之制使自為守非惟 二聖此所謂規模也至於所當急而先者則在料理河 河東益河北河東者國之屏蔽也莫若於河北置招 到中理 學湖源考 九

事高宗曰淵聖勤於政事覽章奏終夜不寢何以卒致 抬撫使亮為河東經制副使開封守闕公薦宗澤高宗 播遷公曰人主之職在知君子小人而進退之則大功 從之時議遣使於金命草表奏言堯舜之道孝悌而已 動天下又乞省冗員節浮費髙宗皆從之一日論靖康 膽使刑政脩而中國强則二帝不俟迎請而自歸不然 陛下以二聖遠狩不甘寢食此孝悌之至正宜枕戈當 雖冠益相望早辭厚禮恐亦無益之降哀痛之詔以感

欽定四庫全書

卷二

然中原非復我有車駕選闕無期矣高宗乃詔諭兩京 恭儉足國用以英果斷大事皆嘉納馬又奏臣嘗言車 2010 10 ALT 是馬分吾當以去就争之即上疏極論其不可疏上留 能行上策當且適襄鄧示不忘故都以係天下之心不 駕巡幸之所關中為上襄陽次之建康為下陛下縱未 可成否則雖衡石程書無益因勸上以明恕盡人言以 潜善汪伯彦實陰主之高宗意已次綱謂國之存亡於 以還都之意讀者皆感泣未幾有詔欲幸東南避敵黃 関中理學淵源考

中不出已而遷公為尚書左僕射無門下侍郎黃潜 新定四月 **全**書 殿大學士奉祠尚書右丞許翰言公忠義捨之無以佐 除右僕射無中書侍郎公奏招撫經制臣所建明而張 幾齊愈以議立張邦昌僭逆附偽之罪坐誅張浚乃劾 出財助兵諫議大夫宋齊愈聞而笑其非策疏論之未 罷因再疏求去先是公曾具三疏請募兵買馬與募民 所傳亮臣所薦用令潜善沮所與亮正所以沮臣亮竟 公以私意殺侍從且論其買馬招軍之罪詔罷為觀文 善

去東坐誅翰遂求退後有肯奪公職居鄂州公為相僅 學士湖廣宣撫使無知潭州是年荆湖江湘盗以萬數 三月而張所旋以罪去傳亮以母病辭歸招撫經制二 中與會高宗召見陳東東言潛善伯彦不可任公不可 漸議未及行而諫官徐俯劉裴論劾復罷奉祠西京崇 方議屯宿重兵鼎澧嶽鄂荆南一帶以圖恢復中原之 西殘毀關輔而中原盜賊遙起矣紹興二年除觀文殿 司皆廢車駕遂東幸兩河郡縣相繼淪沒金人攻京東 22.00.2 Listin 関中理學淵源考

多定四唐全書 經懷之方公奏言宜於防守既固軍政既備之後即議 福官福州居住四年冬金人及偽齊來攻公具防禦三 復京畿以及故都斷以必為之志勿失機會若夫萬乗 蔽有守備矣然後議攻戰之利分責諸路因利乗便收 策詔付樞密院及三省施行五年詔問攻戰守備措置 於西北之民其心未嘗一日忘宋天威震驚必有結納 所居必擇形勝建康江山雄壯地勢寬博宜權駐蹕至 攻討至於守備之宜則當料理淮南荆襄以為東南屏

欠定四車全書 置大使無知洪州及張浚以日祉敗引咎罷相言者引 戴宋之心因條上六事高宗賜詔褒諭除江西安撫制 願為內應者宜給之土田予以爵賞優加撫循使益堅 為名公憤滅上疏言甲辭厚幣廢祖宗之業失生靈之 動八年朝廷遣王倫使金還與金使偕來以詔諭江南 平江公以為平江去建康不遠徒有退避之名不宜輕 徇國之心有可於者願少寬假以責來效時車駕將幸 漢誅王恢為比公言沒指置失當誠為有罪然其區區 明中理學淵源考

必問李綱趙鼎安否宋史論當時排和議以禦敵為已 雖 望願陛下請詔群臣講明長久之策擇善而從之疏奏 少師官其親族十人孝宗朝諡忠定公筮仕三朝負天 又不久而其忠誠義氣凛然動乎遠邇每宋使至熊山 下之望以一身用捨為社稷生民安危雖身或不用 與衆論不合高宗曰大臣當如此矣九年除知潭 湖南路安撫大使具奏力辭遂允其請十年薨年五 計聞朝廷幹悼遣使賻贈撫問其家給喪葬費贈 44) 用

天未悔禍使然耶公晚年於易尤有所得著易傳內篇 為白於朝非忠所動曷能兩顧及不信於主上取嫉於 任者在廷惟公一人而已夫公之進退布衣之士捐生 今世君子所辨釋又著論語詳說十卷文章歌詩奏議 十卷外篇十二卷頗取卦變五體為說動有所稽異於 退志建炎制語表智集宣無判廣記制置江右録宋史 百餘卷又有靖康傳信録奉迎録建炎時政記建炎進 同列至如張液賢者亦不免見忌而訾其短嗚呼無亦 到中理學別原考

欽定四庫全書 臣傅 宏簡録 成公祭公文曰皆我伯祖西垣公先生 躬受中原 自少講學即聞父祖至論又從游楊力叩微旨復造 吕公伯恭則先生之門人也李氏士英言行録云公 文獻之傳載而之南裴回顧瞻未得所付踰嶺入閩 劉安世陳瓘之門請益公之學問端緒深遠如此日 按先生學於紫薇吕公本中本中學於尹公和靖至 文昭林拙蘅先生之奇學派 卷七

えこうこ 於是萬洛閥輔諸儒之源流靡不講慶歷元祐羣叟 履為實而刊繁文之枝葉致嚴乎辭受出處而欲其 而先生與二李伯仲實來一見意合遂定師生之分 函丈聞無不信信無不行前望聖賢大路九軌自謂 明白無玷致察乎邪正是非而欲其毫髮不差昕夕 之本末靡不咨以廣大為心而恆專門之暧昧以踐 若劉更唱选和於寂寞之演韜積溽蓄未幾聲光四 以必可至又曰里居之良若方若陸旁郡之士若胡 1.1. 関中理學淵源考 子四

多定四库全書 **■** 宗正論則皆先生與二李之力馬嗚呼西垣公既不 出而不可遏州黨推擇居東面之席踵門請起至再 觀若將有為而病報隨之中原諸老之規模迄不得 脩大懼先生之功力為虚施每靦然慚惕然恐也惟 期待之厚獨出於千萬人之右顧齒髮日哀業弗加 再白於世其用必有所繫矣某未冠綴弟子之末行 及公道之伸而二李每皆以布衣老獨先生甫入東 三不得已而臨之長樂之士知鄉大學知尊前輩知

書郎時猶用三經義說先生亟請罷斥上言王氏三經 南冠從之學鄉舉赴禮部試行至衛州以不得事親翻 林之奇字少類侯官人紫薇舍人吕公本中入閱先生 然而歸向學益力本中竒之從學者踵至登紹興二十 年進士調莆田簿改尉長汀名為秘書省正字轉校 考馬今謹撮此大略著之篇端 當與二三子尊所聞行所知使先生未伸之志獨有 文昭林拙癬先生之奇 題中理學問原考

欽定匹庫全書 率為新法地晉人以王何清談罪深桀紂本朝靖康禍 春秋周禮論論語孟子講義楊子解義道山記聞批齊 其權常在我矣以痺疾乞外由大宗正丞提舉問舶奉 果欲戰所以堅吾和也吾果欲與之和宜無憚於戰則 戰人情之常故彼常以虚聲恫喝示我以欲戰之意非 亂考其端倪王氏實負王何之責正所謂邪說淫辭之 祠家居日公祖漁因之受學卒年六十五有尚書集解 不可訓者或傅金人南侵先生作書抵當路言久和畏

南豐簿邑民交頌太守陳岐請脩禮樂書以子冲大儒 集行世學者稱拙為先生論文的從子子冲過書 楊萬里稱其精家調將樂丞未上留盱攝郡太學丁外 之後延以特榻子冲隨文釋義補闕訂訛書成周必大 林子冲字通柳學問德業有聲鄉里從游者數百人為 潘滋懷安人林先生之奇高弟也黃勉齊嘗學馬閱 潘先生滋 縣丞林通卿先生子冲 題中理學問原考

欽定四庫全書 傳於世者自洛語以後皆訛益是書初成門人東來日 來訂正部外甚悉暇日因與言曰吾家先拙齊書解今 樂書先君實董其事與益國周公誠齊楊先生書問往 親以哀毀卒子耕字畊斐衡州教授能傅家學問書 祖謙伯恭取其全本以歸諸生傳録十無二三書坊急 孫明後序曰明自兒時侍先君盱江官舍郡齊脩刊禮 備考 經

科舉業由鄉選入太學跋涉困若如是者三十餘年淳 幸此志莫償畔早孙稍知讀書則日夕在念慮問汨汨 故家及嘗從先拙齊遊者録得全文及歸方尋未獲不 於錢梓不復祭訂訛以傳訛非一日矣先君猶記鄉曲 菜言吾少侍親官於閩從林少 額先生學且具知先 拙 文陳公虚齊今文昌趙公參考講求握趨請益抑齊出 祐辛丑僥倖末策聞居需次得理故書日與抑齊今觀 示北山先生手蹟具言居官婺女日從東菜先生學東

敏定四库全書 益宇文之先自從拙為學親傳之豪也其集從康語至 齊亦做未文公辨安國書著本旨明得互相結難其間 齊授書之由時抑齊方閱六經尤加意於林日之學虚 信書坊之本誤矣當令兒輩作大字腾出以元集歸之 皆同鋟本自洛誥至君陳與鋟本異其詳倍之至是益 拾遺一集示予盡蝕其表蠅頭細書云得之字文故家 君陳此後又無之遂以錢本參校康語酒語梓材白語 凡諸家講解搜訪無遺一日友人陳元鳳儀叔攜書説

矣余亦未之信因過索諸衛書者己已春仲一老文縣 然猶未有他本可以參訂也又有一朋友云建安書坊 た己の事 と 余氏數年前新刻一本謂之三山林少類先生尚書全 以後至卷終皆真本向者麻沙之本自洛語以後果偽 倍其價以駕之以所謄本參校自洛誥至君陳及顧命 矣開視果新板以尚書全解標題書坊果建安余氏即 衣銜袖踉蹡入門喜甚揖余而言曰吾為君求得青氊 解此集益得其真刊成僅數月而書坊火令板本不存 関中理學淵源考

書先拙齊初著之時每日誦正經自首至尾一遍雖有 矣朋友轉相借觀以為得所未見既而畊暫攝鄉校學 然信而有徵可以傳而無疑矣書解自麻沙初刻繼而 應於洛誥以後詳略如出二手令以諸本參較真贋曉 與東來同時又出家藏寫本林李二先生書解及詩說 相示較之首尾並同益得此本而益有証驗矣嗟夫此 録葉君真里之耆儒嘗從勉癬遊其先世亦從拙癬學 他務不報貫穿諸家旁搜遠紹會而粹之該括詳盡不

婺女及蜀中皆有本然承襲奸誤竟莫能辨柯山夏氏 拙齊裒集該括自壯及產用心如此之勤用力如此之 而惟條暢其義嗟夫書自安國而後不知其幾家我先 之詳東菜非隱其師之說益拙齊已解者東來不復解 舊本往往傳訛東來解以於禹貢引林三山數段他未 解多引林氏説自洛誥以後則畧之僅有一二語亦從 授受中更散亡極意搜訪竟無從得明恪遵先志又二 深始克成書而傳襲謬誤後學無從考証我先君家庭 到户里於問原等

參合舊聞而後釋然以無疑確然而始定然則著書傳 欽定四庫全書 鄙夷捐金撥田悉有所助三年之間補葺經創石鼓兩 新刊全解又得葉氏録家藏寫本稽驗新故訂正真屬 十餘年旁詢博問且疑且信又得宇文私録又得余氏 未之歲石鼓冷聽事力甚微學廪粗給當路諸公不賜 故久鬱而獲伸與不然何壁藏汲冢之復出也淳祐丁 丞公之志始遂顧小子何力之有抑天不欲墜廢斯文 後豈易云乎哉畊既喜先拙齋之書獲全又喜先君縣

多說畊偕次兒駁伯重加點校凡是正七千餘字今為 字以五十萬計釐為四十卷始於乙酉之孟冬迨明年 因郡庠憲臺撥鍛之羨搏學廳清俸公給之餘計日命 先君未償之志孰有切於此者吾先世未全之書豈容 學輪與鼎新書板舊帙缺者復全於是慨然而思曰吾 緩於此者實為子孫之責也乃會書院新租歲久之積 えんしりる 夏五月而畢是書之傳也亦難矣哉亦豈尚然哉舊本 工以此全書亟録諸梓字稍加大匠必用良板以千計 LALIN 関中理學淵源考

銀定四月全書 州學教授無石鼓書院山長明謹書 善本庶有補於後學淳祐庚成夏五嗣孫迪功郎衡州 完生之猶子諱子冲登癸丑科為南豐簿當分教盱江 解是也然自洛語以後傳者失真世不得其全書為恨 承心學拙齊著書多而於尚書尤注意即少類先生書 甚悉乃知始於紫微日公載道而南而拙齊先生實親 求志亦告矣先是抑齊陳先生為僕言閩學源流開 鄧均日觀林君畊叟序述其先王父全書始末兩世訪 卷七 教

學卓然光明久而益昌何容繪畫冊字冊叟暨先生甫 シスコロラ シュー 三世其孜孜問學多識往行好脩者也君子曰無恭厥 學而忍不獲施於用至叫而全書始出以傅惟拙齊之 傅聖賢之心毒斯文之脉其功大矣縣丞公刻志世其 就豈其書之泰陀固自有時耶拙齊雖不克竟其用而 未得不幸齎忘以殁又數十年而先生之孫明始克夢 在盱據勘遺文多矣獨於拙齊全書散供之餘訪求而 再轉為巫僕頃在庠序尚及識縣丞公於文席縣丞公 間中理學淵源考

閩中理學淵源考悉七 公文學令 源趙後文 正公諡陳 正學宋季士林多推公以夫有虚齊樂府四忠肅言虚齊今文

欽定四庫全書 ここうこ 成之林公希逸曰自南渡後洛學中微朱張未起以 盛自紹興以來四五十年崇尚洛學艾軒先生實作 陳正獻公曰閩中洛學之與肇自建劍而前儒風之 関中理學淵源考卷八 經行倡東南使知聖賢心不在訓話者自前南夫子 文節林艾軒先生光朝學派 関中理學湖源考 廣平府知府李清馥撰

多定四库全書 字行世非先生意也先生乾淳間大儒國人師之文 精神為之踊躍鼓動退而思之至忘寢食後來過前 某少年過前見林熊之與方次雲說一種道理說得 子正淵源程氏之學其時豈特為前所宗仰哉先生! 語先生不以姓名皆曰艾軒觀此則公之從游陸公 始莆南者艾軒先生也朱子曰這道理易晦而難明 公於當世之學問有異同惟於先生加敬于時朝野 二公已往無有能繼其學者矣劉後村曰以言語文

... 聖賢心不在文字訓詁問也聖學湮廢寥寥千載於 方氏點會孔門親切之訓者也維時前之宗於發自 歳人物要入得此窠樣中乃為無愧耳此又先生與 門恐一日看脚不定乃悟夫子之門為人物準的千 蟬孙潔不入俗調心甚樂之方云此數人來孔子之 曾與楊次山手礼自言與方次雲論晋代人物如寒 艾軒其平日師友講習多從事於經術行檢使人知 門德行之科莫能尋討契合而不知其體認於學 関中理學淵源考

林光朝字識之前田人學者稱文軒先生少有聲場屋 再舉禮部不第不復以得失為意聞吳中陸子正學出 問根抵淵源未易窺也朱子曾釋善言德行之說謂 辛未四月望後一日書 古之矇方林二公得程氏緒餘殆窺見此旨歟乾隆 所言皆其自己分上事故當時惟顏閔以上從事此 工夫自洛閱之學與師弟講切無非此義而一發千 文節林艾軒先生光朝

一致定四库全書

7/2/012 J. M. 亦之再傳為陳藻三傳為林希逸其為教以身為律以 **固巴支離若復增加道愈逐矣又曰日用是根株言語** 於聖賢微首有得於師傳者惟口授學者使之心通理 來學者無慮數百稱為南夫子葢先生之學一傳為林 尹和靖遂往從之自是專心聖賢践履之學通六經貫 解當曰道之全體存乎太虚六經既發明之後世註解 百氏出入起居必中規矩歸莆設講於東井紅泉四方 道德為權與不專習詞章為進取計平生未嘗著書其 開中理學淵源考

動方四周全書 殺茶冠功拜國子祭酒四年孝宗幸國子監命講中庸 太子侍讀九年張說再除簽書樞家院先生不往賀遂 已召試館職為秘書省正字歷著作郎進國子司業兼 道三年龍大淵曹覿以潛邸恩倖進先生與劉朔以名 文字是註脚學者須求之日用求之不已則察乎天地 以顯謨閣出為廣西提點刑獄淳熙元年移廣東以擊 儒薦對頗及二人罪由是改知永福縣而大臣論薦不 隆興元年年五十始以進士及第授表州司户參軍乾

久己日華 A 馬 知日未知此老若為收煞及繳駁謝廓然除命乃喜日 先生老儒通達世務負士望甚重出使入朝徇義忘私 先生必不奉的改權工部侍郎請外遂以集英殿脩撰 然以自覿薦賜同進士出身除殿中侍御史命從中出 大稱善面賜金紫除中書舍人無侍講時吏部郎謝郭 無田宅以遺妻子在後省久未有建明日東來私謂所 出知婺州引疾提舉江州與國官年六十五卒諡文節 先生愕然曰是輕臺諫羞科目也立封還詞頭孝宗度 関中理學淵源考

平處與韓並驅林氏俊曰文軒不獨道學倡前詩亦前 艾軒實作成之也有集二十卷陳氏它謂其森嚴與美 來四五十年士始知洛學而以行義脩筋聞於鄉里者 上祭經訓下視騷辭劉氏克莊亦謂爲處迫檀弓穀梁 人能繼其學者矣陳正獻公曰前儒風特盛自紹與以 過前見林漁之方次雲說得道理極精細為之踌躍鼓 此舉過江後未有也先生既沒朱文公嘗嘆曰某少年 動退而思之至忘寢食後來再過則二公已沒更無一

金少で方と言

之祖用字命意無及者後村雖工其深厚未至也按先 論詩書語録中庸解等集并語類 林貞肅集 生嘗師事同郡林霆林公深於泉數之學者所著有易 とこうら ここう 去令來取書因循如許言之恨甚去年過黃亭只相隔 與朱編脩元晦日前此數得來書祝耕老有五夫便人 在公論以為太遲不知賢者出處自有時直道之信善 得三二日所欲道者亦何數唯耿耿比承除書之下此 文畧 関中理學淵源考

與楊次山曰某授徒三十年不過為場屋舉子之習學 對此如一對面語但所謂與虞仲達及此一節更記憶 類增氣見教恭而安數語乃是從根株上說過來別後 疾唾中有血雜出令人憂懸也 之得質正所聞而求所未聞甚善復之到官已三月偶 不上是日說數件語當不止此耳林用中聞以館舍處 事雖稍涉其涯而所以作語及所以傳授於人唯 律豈敢輔出場屋繩尺之外也其年近二十未知

金万四四百百章

ここの声から 李太白石曼卿之為人即踴躍道其事又初讀晉書見 正字次雲之友某以次雲六兄之故遂定交某幼歳聞 傷哉廷先每對人道說必為之出涕廷先乃吾亡友方 一人吾所畏當買舟同一見之不及見此人廷先死矣 龜山所遺後來者為何書及隨計走都下此說一歷耳 廷先得之於信伯廷先吾友也廷先每説洞庭之野有 九十歳人乃文靖公一輩流也王信伯得之於龜山施 又二三年中乃得之是時有周先生尹先生諄諄然八 関中理學湖源考

金月正尼白雪 次雲説古人如此終是不俗六兄云此數人來孔子之 浩所有未見書惜哉吾已老子雲客長安陳迹如一 歲人物要入得此窠樣中乃為無愧耳 同 送 樣人物如寒蟬孙潔不入俗調此心甚樂之一日對 別湖北漕李秘監仁南詩曰文字即煙雲過眼徒浩 恐一日看脚不定其乃悟夫子之門為人物準的千 叔向來人我生苦不早亦聞青城山斯翁為有道瞿 掃

た己司奉合事 永嘉林仲元來守此邦以厚風俗敦教化為本闔郡之 陳正獻公俊卿撰文軒祠堂記畧曰淳熙壬寅夏四月 滞掇拾供史豪分手重酸辛瑞璵聚所寶十日不得面 高樓悅如事坐討攬轡逢道州聽書下下考周南勿留 塘不可上秋夢長顛倒白日來西崑一見自應好縱譚 何為太草草 百代前至境非枯槁多為開口笑明日生懷抱黃鶴有 備考 関中理學淵源考

金少 點問對無非率禮蹈義士者化之間有經行并邑而衣 道德為權與不專習詞章為進取計也其出入起居 十年士始知洛學而以行義脩飭聞於鄉里者艾軒先 士咸造於庭日前雖小壘儒風特盛自紹與以來四五 冠肅然有不可犯之色人雖不識望之知其為艾軒弟 人其取巍科登顯仕者甚聚先生之為教以身為律以 而思親還里開門教授四方之握衣從學者歲率數百 生實作成之也先生學通六經旁貫百代養游上库已 1:1:1:1

意著述東井倡道盡犀俊而朋來之四方年五十始奏 山先生特從指授以上紹伊洛之傳窮博而會之要絕 南服專志聖賢于時遺儒陸子正施廷先曾學和靖龜 明貞肅氏俊撰文軒文選序略曰吾家文軒先生崛起 於予予於艾軒将四十年所謂三益之友其可解乎 願得立為祠宫春秋薦以茨芬以樹邦人之思太守乃 子也前之士風豈無所自先生殁已六年人思其矩範 擇南城隙地為屋十六楹丹艘一新因誤刻歲月謁記

欠定四年全書

関中理學淵源考

仰止書院馬公行健雷公孟升意也俊偕汝華謀日先 於易有所異為晦翁獨與其繳駁新端也東菜曰平生 祠久圯墓之田易數姓稱弱二孫稀落可念龍坡之為 生意合嘉其精細退若有得請質時見於書兒澤南軒 國宮以卒先生長晦翁一十六歲晦翁商畧理道獨先 坐封還詞頭改工部侍郎以集英偷撰知婺州提舉興 名十一轉而至中含平茶冠講中庸一再為孝宗褒獎 任此老不負諡文節也君子謂允去令三百五十年

ところ」 1115 関中理學湖源考 周必大薦之以國子監簿名對孝宗與其誠實紹熙初 士調臨江户曹攝新衛縣政化大洽改殺調侯官丞相 陳士楚字英仲莆田人從學林公光朝登乾道八年進 並祀二先生侍以前高弟子而復梓其文以傅云 源先生亦道學名派一方而名天下稱南夫子無異詞 生嘗同晦翁講道以齒則兄以道則友晦翁固道學淵 宜並祀雷喜白之馮暨貳暨大巡宣司監司督學議可 侍講陳英仲先生士楚四下

艾軒綱山樂軒于穀城山後人以士楚有饗云前陽文 觀稼亭皆宸筆揮洒慶元改元除侍講林希逸守前祠 意壽皇傳諭日陳直講說書議論精詳理致深與得師 實三農力於田莠草既除方有秋以風小人妨君子之 儒之道除右侍郎右史退革御書閣扁陽春堂揖壺樓 無逸章其解稼穑艱難曰百穀麗於土荄萌既敷方有 相索表稱賀援筆立就朝士稱嘆青宫開經筵講周書 除宗正丞兼嘉王府直講一日百官已趣班雪大作幸

ع

方四周全書

累遷建寧軍節度推官歲元旱松溪政和建陽浦城四 與四年年四十以特科調龍溪主簿歲旱疫多所全活 卓先字進之莆田人少從林艾軒學年十五技鄉解紹 調懷安簿未上卒二劉葬之表其墓前陽文獻 てこうこ 黄舄字季野莆田人少從林文軒學志行萬古自劉夙 劉朔林亦之而下皆推讓馬登紹與二十一年進士第 推官卓進之先生先 主簿黄季野先生芻 1.4. 関中理學淵源考 閱書

多好四庫全書 特甚而傅伯成尤敬重之族孫得慶前陽文獻 邑仰食下流客米府禁米舟出城先争曰四邑非建民 句人以半白梨花郎目之其昆仲有雪堂天游亦名士 五湖明月因以額悟賦丹霞夾明月有半白在梨花之 魏几字天隨福清人從林艾軒以克已復禮問艾軒曰 耶平生居官旗静言論據經與人寡合陳宓鄭爚許與 側書 郡志 魏天隨先生几 Ξ

林 郡志 陳叔盥福清人少從林艾軒講學出揖客而容顏艾軒 志山 經無所入至欲投江死艾軒稱之謂魚鹽中膠馬 日心不負人面無賴容叔盟悟而自克遂以行誼名關 アスプロション 郡 三山 阿盟字載德福清人林高諸孫也從林文軒學若六 陳先生叔盥 林載德先生阿盥 開中理學淵源考 関三書

傳蒙字景初仙遊人少從林艾軒學工詞賦無五經孝 宗朝曾上萬言書退而講學龍池以淑後進題書 銀京四母全書 楊興宗字似之長溪人祖傳禮字穆仲與宗少師事鄭 遊林文軒之門試教官科授臨安教授卒仙遊邑志 林肅字恭之仙遊人淳熙三年進士少有文名與傅蒙 教授林恭之先生肅 傅景初先生蒙 提舉楊似之先生與宗 仙

遷司勲郎論張說不當與趙汝愚同拜不報又駁楊和 省殿耀鄭倚蔡幼學陳傅良時稱得人脩四朝會要歷 累書抵東府力争孝宗嘉其志除武學博士丞相陳俊 主和議使人要日若登對無立異當以美職相處卻之 簿孝宗登極上封事未陳以守為攻之策時相湯思退 王存中封爵太優忤時相虞允文元祠出守處州大有 柳舉充館職條對時弊歷遷校書即與林與之同校文 夾漈後執經林謹之之門登紹興三十年進士調鉛山 ここり こことう 関中理學淵源考

一致定四库全書 國軍判官首陽 重之所與筆礼甚多趙忠定禮為上客每事必咨仕與 林成季字井伯艾軒從子有學行從朱子游朱子深器 坡之南岸堤祖國鈞建紅泉學延族子文軒為師馬関 林恂如莆田人少從林艾軒學當傾貲殫力脩築本蘭 政聲除知温州改嚴州終湖廣提舉著有自觀文集閱 判官林井伯先生成季以下 林先生恂如

受教於先友井伯林文初筮主靖安簿辱授印馬卷中 諸帖告皆曾見後三十餘年復從君保陳君見之益先 劉後村跋趙忠定公朱文公與林井伯帖某為童子時 大三日日日 君子尤厚忠定帖雖家事琐碎亦謀馬文公帖如黨論 友冢上之木已拱而其家亦益落矣感令念音不勝悲 軒猶子為忠定上客所交皆當世名人而於朱張吕三 慨當乾淳間艾軒先生與忠定相君同館并伯文以艾 備考 與中理學淵源考

吳澥字清臣龍溪人兩請鄉舉有聲又請漕舉及同文 布而隱然任世道之隆替受諸老之付屬可不謂賢哉 之與大愚之貶衡陽之薨皆當時大變故士大夫掩耳 金河巴尼白雪 初餘干縣尹有憾於忠定謫命下祖昔人憾來公元城 不敢聞公獨諄諄然赴告於井伯丈一太學生未脱韋 故智張皇特甚井伯丈適在吳中先馳書以報忠定賴 以自安嗚呼使遇良史筆之豈減於陳仲弓郭有道耶 漕舉吳省齊先生解文友下

省齊先生有省齊集行世道南源委 書著文十餘年不出與鄉大夫林迪為忘年友文軒林 陳昭度字元榘與化人紹與五年進士第為尤溪主簿 古文古三山林子晦亦嘆其為天下奇才學者師之稱 館舉解者述甚高援筆立成皆極精妙與陳知柔林光 こうしここ 朝諸公為莫逆交知柔嘗擊節稱賞謂其貌古心古學 部使者檄令捃摭屬吏細過昭度無然拂衣去閒居讀 縣令陳元榘先生昭度 到中理學問於考

士以致知謹獨之學由是士競於學知所指歸改知長 誼均兄弟既而教授藤州藤地鄙遠俗尚庫酒昭度勵 光朝次雲方翥正字劉風兄弟皆嘗至其家登堂拜母 致深遠艾軒志其墓謂不緣師授視橫渠為同時獨曉 樂縣未上卒昭度淵源漁洛為文得古法簡嚴閉淡理 鄭樵字漁仲興化人父國器太學生嘗鸞已田築蘇 前陽文 獻 鄭夾添先生棋

欽定四庫全書

魚草木方書之學皆有論辨紹興十九年上書日草菜 アスココ Lity 関中理學淵源考 結茅欲讀古今之書通百家之學討六藝之文而為羽 臣鄭樵昧死百拜獻書皇帝陛下臣本山林之人入山 張浚皆器重之初為小學經旨禮樂文字天文地理蟲 仰觀星象寒暑寢食為之都忘一時名人如李綱趙鼎 陂人食其德沒於姑蘇熊年十六徒步歸葬自是謝絕 之出遊名山大川搜奇訪古遇藏書家必留借讀夜則 人事結廬越王山下閉户誦習卜築草堂夾深居之久

動员四周百書 許臣料理餘續當上進得展盡底總詔以其書藏秘府 平松筠之節不改歲寒葵藿之心難忘日下恭惟陛下 翼忽忽三十年著述之功百不償一不圖晚景獲見太 歸而益厲所學從者二百餘人尋喪母哀毀廬墓部使 部百四十卷恭詣簡院投進其餘卷帙稍多望賜睿旨 之勤臣雖身在草來亦欲及時效兹尺寸謹繕寫十六 有條理百代之典燦然可觀臣伏觀秘書省歲歲求書 留心聖學寫志斯文擢用儒臣典司東觀內外之藏治

久己日日人山前 禮兵部架閣為御史葉義門所劾力乞還山改監南嶽 皇卒五季彙緝為一名曰通志體參馬遷法則稍異謹 年脩書五十種皆已就其未成者臣取歴代之籍始三 還家論著閱四年通志就詣闕請上會高宗幸建康命 王綸賀九中薦應召明年上殿奏言臣處山林三十餘 者舉孝庶者三舉遗逸者二皆不就二十七年以侍講 摭其要覽十二編名曰脩史大例先上之帝曰聞卿名 久矣敷陳古學自成一家何相見之晚耶授右迪功郎 関中理學淵源考

生詩文有谿西集五十卷前陽文獻 金发电影有量 者為之 快事又坐言者寢及駕歸繳進通志而樵卒時年五十 從官給未當取也見人寸善推譽如有不及有來質問 省緣閱典籍詔許於三館假書觀之陸務觀以為一時 為樞客院編脩官尋無攝簡詳諸房文字因求入秘書 九矣生平枯淡好施居鄉累歲不一)顛倒數於當路薦林光朝林彖學者稱夾漈先 州守蔣元肅先生雝 詣守令筆礼雖詔

長卿大人太白大鵬之比也又撰時政十議十朋嘆日 王十朋見其文大加賞識難因作夢仙賦以獻十朋曰 名號前陽十先生登紹興二十一年進士教授泉州守 其妙鄉先輩宋藻舉經傳扣雖随問隨答每以南方夫 將難字元肅仙遊人少博學强記下筆報數千言曲盡 坐與程明道部康節同好惡得罪及陳瑩中任德翁嘗 此經世之文矣後知江陰軍再知通州以郡人張次山 子稱之設席郡庠户履常滿與林光朝同時十人俱知 2).1. W 閱中理學湖源考

樸鄉十餘年凡四請祠以壽終著有樸齊文集子祈從 拜謝上目其背方面材也將除賴州為字執所沮退居 災者方以行課增秩上矍然曰某人欺朕因訪本末雝 首言江東鹽課較之淳熙七年出入之數虧二萬緣主 遷謫於此合為堂祀之扁曰三賢以厲風俗秩滿入觐 誦指畫應對如響上日鄉村通練合以蒲郡處卿難 徵士方直甫先生秉白 仙遊邑志 書 卷八

金月四厚全書

方東白字直甫前人隱居教授林謙之方次雲劉賔之 積至數千卷皆手自暴定就寢不解衣林漁之質之答 恩歷官朝散郎平生清白無十金之産所至挾書自隨 彦勵嘗辟脩前陽志有草堂文集問 復之諸名士皆其友也孝宗朝以孝庶薦不起郡守趙 方漸莆田人重和元年進士紹興中判部州知梅湖南 日夜或有尋討便不懷安為小屋三間以藏其書榜曰 州守方先生漸 明中聖學問原等

發前陽 欽定四庫全書 富文鄭節仲嘗就讀馬子林鄉貢進士孫其義自孫應 縣志 創三先生祠奉祀并録其遺文所謂三先生者莆南 林公光朝福清林公亦之陳公藻也惜三先生之學 先生之學授之陳樂軒藻亦嗣綱山講席林氏希逸 按先生師事文軒三十餘年前人推先生嗣講席後 至希逸林氏而無傳矣葉文忠公向髙曰王信伯再 文介林綱山先生亦之學派

户外履幾半於師矣或勸其著書答之詩曰講學紅泉 文軒卒前人推亦之嗣講席文軒之學一本躬行亦之 林亦之字學可閱縣人盛年挾策遊四方卒不契去之 紅泉謁林艾軒光朝而師之左右三十餘年遂為髙弟 といる 神 から 不著書只將心學授生徒趙汝愚帥閱辟入東井書堂 前脩固皆同為洛學淵源也於乎懿哉 傳而亦之又再傳而希逸星展沒矣源流正學湖於 文介林綱山先生亦之 関中理學淵源考 九

前中劉克莊少師之間 林希逸追舉其賢贈迪功郎賜諡曰文介子簡字綺伯 待以賔禮上其學業於朝命未下卒學者稱綱山先生 課妻子耕織出則誘生徒經誦登山臨水而已學者稱 通儒遂嗣亦之講席藻家貧篤志於學不求人知入則 陳濞字元潔福清人師林亦之得艾軒經學之傳為時 日魚月先生著論語考工記毛詩綱山詩集景定間 文遠陳樂軒先生藻

到近四月全書

卷八

To all Dial Lists 林亦之亦之出於林光朝其授受遠有源委登端平二 林希逸字肅翁號属齊福清人師事陳藻藻之學出於 人林希逸為其賢贈迪功郎賜益曰文遠山新志 樂軒先生所著有語孟莊子杜詩解并詩集景定問 宗皆開納歷翰林權直學士兼崇政殿說書以直秘 省正字入對乞信任給諫又乞早次大計以慰人望理 年進士為平海軍節度推官以清白稱淳祐中遷秘書 中書林竹溪先生希逸 関中理學淵源考 Ξ

褒崇的有司為三人樹表書諡並祀之學官希逸官司 藻為有道之士又舉林光遇幼承父澤奉親不仕並乞 子者林光朝兩夫子者亦之藻也景定四年舉亦之及 信從也因立三先生祠祀之併録其遺文以傳前南夫 夫子始初疑漢儒不達性命洛學不好文辭使知性與 未起以經行倡東南使知聖賢心不在訓詁者自前南 知興化軍下車首部學者云自南渡後洛學中微未張 天道不在文章外者自福清两夫子始學者不可不知

|動定四月全書

卷八

農少卿終中書舍人所著有易講春秋正附篇考工記 たこり上 Min 嚴察字坦叔一曰明卿邵武苔溪人精毛氏詩箋註當 氏道南益光朝可接羅李之宗惜時儒未深知者至希 宋自光朝三傅至希逸比之于師稿而華矣明代郭萬 解竹溪稿子冰歷與化停國子監丞劉克莊序希逸詩 逸而亡傅矣財書 程曰自道學與辭命多鄙光朝之門獨為斐然聞自楊 朝奉嚴坦叔先生祭 三山新志 前陽文 関中理學淵源考

嚴氏祭自序詩緝曰二兒初為周南名南受東來義誦 金月口月 白書 自 註詩曰嚴氏詩緝朱文公詩傳多采其說 原謂皆郡四求同華館按 備考 序末|文志|十全|含谷|之嚴 并子公如餘書生嚴歲氏 林採朱此年而見君已祭 序其子今嚴讀時坦四自 二説之讀氏之出叔十序 篇相説詩本今詩早八詩 附沿嚴緝傅以緝有年稱 後承氏中所序語詩林在 | 俟誤|採所|言詩|我名| 氏理 考似未引朱之其江希宗 訂無子用子年說湖逸淳 者可之諸採考大間撰祐 再疑說說其之抵甲嚴戊 詳令而凡說亦與辰氏申 馬 之録立未者後老余詩去 傳氏自於艾抵緝朱都部 者目部朱合京序子志武 反者武子遂以言捐

|情則悠然見詩人言外之趣毛鄭以下且東之島閣此 蘇王劉諸鉅儒雖罷落毛鄭舊說争出新意而得失互 林氏希逸詩緝序曰六經皆厄於傳疏詩為甚我朝歐 書覆旣可也淳祐戊申夏五月華谷嚴聚序 **今性情一也人能會孟氏說詩之法涵泳三百篇之性** 然易見既而友朋訓其子若弟者競傳寫之困於筆劄 之不能習余為緝諸家說句析其訓章括其旨使之瞭 えこうえ **唇命鋟之木此書便童習耳詩之與幾千年於此矣古**).L:_ 明中理學淵源考

書遺言問得於前一輩鄉長老客遊二十年未有印此 逆志者悉付之明經家文軒林先生嘗曰鄭康成以三 唐古律而吾聖人所謂可以興觀羣怨孟子所謂以意 味然疎缺渙散要未為全書葢詩於人學自為一宗筆 語者華谷嚴君坦叔早有詩名江湖間甲辰余抵京以 禮之學院傅古詩難與論言外之古矣艾軒終身不著 墨蹊徑或不可尋逐非若他經然其流既為騷為選為 有之東萊吕氏始集百家所長極意條理頗見詩人趣

金 分四月全書

前制度之織悉訂證精密開卷瞭然嗚呼詩於是乎盡 若見其人而得之至於音訓疑似名物異同時代之後 或發其微於一字出入窮其機綜排布截其幅尺辭錯 **告人優柔温厚之意而已余既竦然起敬遂就求全書** 同舍生見時出詩緝語我其說大抵與老艾合且曰吾 而理意曲而通逆求情性於數千載之上而興寄所在 用於此有年非敢有以臆决撫諸家而求其是要以發 とこうころ 而讀之乃知其釣貫根葉疏析條緒或會其旨於數章 / L. L. ... 開中理學淵源考

十有二月竹溪属齊林希逸書 金分四月分章 請子若是哉余皆得其舊豪五七言 幽深天矯意具言 考亭繼自今吾知此書與並行也然則華谷何以度越 予又豈容遺文軒之言故不自揆而為之叙云爾是年 之矣易盡於伊川春秋盡於文定中庸大學語孟盡於 作益常弱諸家間與而獨得風雅餘味故能以詩言詩 風中理學淵源考卷~ 所以唯若乎其後也全曰义軒惜不見子君曰